



NAUDE DE STUDIO LIBERALI — 1633

Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4515/A







Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4515/A





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4515/A




Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4515/A



4515 / A





















4515 56267  
GABRIELIS NAVDAEI  
PARISINI

SYNTAGMA  
DE

STVDIO LIBERALI

*Ad Illustriss. Adolescentem*

FABRICIVM

EX COMITIBVS GVIDIIS

A BALNEO.

Nicolai Marchionis Montis Belli

FILIVM.

SECVND A EDITIO.



ARIMIMI, Per Io: Symbenium. M.DC.XXXIII.



Die 25. Septembris 1633.

Imprimatur  
Fr. Thomas Petrus Bellus à  
Camurano Inquisitor Ge-  
neralis Arimini, &c.

Die 26. Septembris 1633.

Imprimatur  
Ioannes Antonius Sarzettus Vicarius Gene-  
ralis Arimini.





56267  
3.

# AVCTORIS PRAEFATIO.

## AD LECTOREM.



*AEPE. multumque  
apud me dubitavi,  
Lector beneuole, num  
pramaturum hunc,  
& diuersa locorum  
mutatione, qua mihi  
crebro subeunda fu-  
it, non aequalem for-  
san ubique, nec sui in  
omnibus similem in-*

*genij mei factum, publica hominum luci, ac ern-  
ditorum censura exagitandum committerem. i  
Verebar enim non mediocriter, ne quod de Ca-  
ne proverbio dicitur, quaedam nimis festinas,  
cascutientes Catulos parere soles, illud ipsum in  
me retorquerent, qui parum candide, ac since-  
re de reliquorum laboribus iudicare sunt assue-  
ti: aut saltem difficillimum esse experirer, quē-  
admodum monuit Apuleius, celeritatis simul,  
ac diligentiae laudem promereri. Deinde vero  
arduum omnino, ac perdificile mihi videbatur  
aliquid nouum, atq; indictum in eiusmodi mo-  
nitis,*

A 2



4  
nitiis, & praeceptionibus usurpare, de quibus tot  
iam viri aetate quidem prouectiores, & doctri-  
na, ac praestanti iudicio longe omnium cele-  
berrimi, sic eleganter, & copiose dixerunt, ut  
spem omnem reliquis ademisse videantur, lau-  
dis quidquam, ac gloria ex simili conatu con-  
sequendi. Verum enim vero, cum me in omnes  
partes cogitatione verterim, ut quid mihi tan-  
dem consulto faciendum esset apud me statuerem,  
nil potui reperire melius, aut quod Genio, &  
antiquae studiorum meorum consuetudini ma-  
gis alluberet, quam Apellis instar, aut Proto-  
genis, Tabellam hanc nouiter à me depictam,  
in communi velut pergula, & omnium ob ocu-  
los exponere conspiciendam, diiudicandamq; spe-  
ratus non illam seueriores Aristarchos, nanci-  
sci debere, quam reliqui mei libri nacti sunt,  
nec magis quam illos publico favore distitutam  
iri. Etenim licet plures ante me multa quidem,  
& praecleara de studiorum ratione dixerint, non  
erat tamen propterea, quod animum desponde-  
rem, aut oblata hac, qua nulla praestantior,  
nobiliorve desiderari poterat occasione, aliorum  
me studiis, atq; laboribus deterritum ostende-  
rem. Nam praeterquam vix scire, ac recordari  
potui, quid ipsi de tali negotio praeceperint, cum

non



5

non ipsorum modo lectione, sed omni ferme li-  
brorum praesidio destitutus, ad scribendum ac-  
cesserim: Hoc insuper me, non mediocriter re-  
fecit, ac velut calcar, & stimulos admouit,  
quod quemadmodum rectè cecinit Poeta quidā  
venustissimus in sua Cyclopedia.

Non Violæ marcent, quamuis Rosa Floris  
honore

Splendeat, aut cultus cōponat Lilia candor

Non omnis delirus erit, cui sensus Vlyssis.

Deficit, aut mutus, quem nescit Musa Ma-  
ronis;

Non nitor Argenti liuet, si fulgurat Aurum.

Non minus arma capit Hector, si plenior  
Ajax

Fulminat.

*Aut si maioris elegantioris cui lyricum audire,*

Non, si priores Mœonius tenet,

Sedeis Homerus, Pindaricæ latent,

Cæxquè, & Alcæi minaces,

Stesichoriq; graues Camœnæ.

*Quod si Poetarum sententia lauior omnino vi-  
detur, quam ut in hac mea defensione plurimi  
facienda sit, en Senecam profero testem omni  
prorsus exceptione maiorem? qui his verbis Lu-  
ciliū suū exhortatur, ut quandoquidem tūm*

A 3

in Sicilia



*in Sicilia esset, non nihil etiam de Monte Aetna  
 conscribere velles, solemnem omnibus Poetis  
 locum attingas, quem quominus Ovidius tra-  
 ctaret, nihil obstitit, quod iam Virgilius im-  
 pleuerat. ne Seuerum quidem Cornelium,  
 vterque deterruit. Sanè quantum ad me spe-  
 ctat, nunquam veritus sum, ne illud mihi eue-  
 niret, quod Catilionibus, & Potitijs, paulo se-  
 rius ad Epulum, & pollucibilitatem Herculis  
 accedentibus contigit, nempe, ut vacuus, &  
 ieiunus accumberem; maximè cum adeò fa-  
 cunda sit, & per se diues ipsa de literarum  
 studijs pertractatio, ut nondum omnis occupata  
 sit, nec ità funditus exhausta, quin plura qua-  
 dam, & tibi forsàn non ingrata nobis relictas  
 sint, in presenti syntagmate pertractanda. Ne-  
 que verò magis urget quod Gatai primum, mox  
 Montis Scutuli, ac tandem Urbini (quae loca  
 mihi cum Eminentissimo Mæcenate meo, inter  
 bimestris spatium adeunda fuerunt) illud ip-  
 sum non inceperim modo, sed penitus etiam ab-  
 soluerim; Cum inde potius bonum Omen acci-  
 pere debeam, ac fausta, & fauentia omnia de-  
 tuo mihi iudicio promittere, cui praesertim non  
 ignotum est, & tricipitem Mercurium, ab an-  
 tiquis adoratum, & tres tantum Musas ab  
 Ephoro*



7  
Ephoro, Varrone, Ausonio constitutas, ac Mi-  
nerua tres olim fluuios fuisse a Pausania assigna-  
tos, nimirum in Bæotia, Thessalia, & Lybia;  
quasi fatum esset, quidquid ad litteras pertinet  
ternario numero, ac nullo alio melius absolui  
debere. Sed nec ille prorsus à veritatis scopo ab-  
errabit quicumque volet, iria hac loca, quæ à  
me supra commemorata sunt, tribus illis Miner-  
ua fluuijs perpetuò scientiarum lacte mananti-  
bus assimilare, cum Urbini quidem propria  
semper hac laus, ac genuina fuisse videatur,  
quam & olim, sibi iure venaicauit per suos  
Polydoros, Commandinos, Corbolios, Bal-  
dos, Maccios, Bonauenturas, & nunc tempo-  
ris sartam quoq; ac integram retinet per Vete-  
ranos, Battiterros, Michaloros, Venturellos,  
Puccios, Vbaldinos, Odasios, Sempronios,  
Manafanguios, Bartolinos, Gallos, Fabret-  
tos, Vincentios, quorum sanè præclarissimis  
laboribus, ac Studijs, nobilissima Surdorum  
Academia, qua frequenter ipsorum recitatione  
personat, tantum se inter Piceni reliquas conspi-  
ciendam præbet.

Quantū lenta solent inter Viburna Cupressi.  
Sed nec æmænissimus ille Montis Scutuli seces-  
sus, unde per intersectam tot monticulorum,  
Colliculo-



*Colliculorumq̃, velut in prato viridi, ac molli  
planitie undulatim fluctuantium varietatem,  
prospectus se quam longissime diffundit, qua in  
mare veliferis subinde nauibus exaratum, qua  
per montes Carpineum, & Sacchettum vertice  
cauos, rupibus horrentes, dumetis bispidos,  
qua tandem.*

*Sancti ad prærupta Marini*

*Saxa, & stelliferum ferientes æthera rupes.  
Non inquam locus hic tam incundo, & amæno  
situ fuit à natura donatus, nisi ut peregrinantes  
aliquando Musas subterlabentisq̃ Crustumij,  
velut alterius Permessi sinuosos fluctus inuisen-  
tes facilius posset, ac honestius hospitio planè  
conuenienti, ac debito excipere, sane ipsas  
quondam illic à se depræhensas fuisse auctor est  
Vir inter principes historicos meritiò recensē-  
dus Flavius Blondus Foroliuiensis cum inibi  
degens, libros qui semper apud omnes plurimi  
æstimati sunt conficeret, & studeret praterea.*

*Nunc veterum libris, nunc somno, & iner-  
tibus horis*

*Ducere sollicitæ iucunda obliuia vitæ.*

*Quare hoc solum male me habet, quod nimia  
quadam festinatione totum istius quodcunque  
est operis, ac negocij effecerim, sed tempus il-  
lud, quod*



lud, quod mihi adscribendum commodum vi-  
sum est, velut non alias forsitan rediturum ocyus  
arripiendum esse apud me constitui, nec si lau-  
dem inde consequar minus propterea incunde  
viuam, aut tranquille, quoniam nec ipsam  
quidem scribendo quesui, nec aliud quidquam,  
nisi ut eius primum ad quem scribo, deinde ve-  
ro reliquorum, quibus litterarum studia cordi  
sunt utilitati simul, ac commodis inservirem.  
Vnde si non fuit par voluntati facultas, haud  
remeritatis, vel arrogantiae, sed tarditatis, aut  
infirmiutis crimen suscipere debeo.



IACOBI MICHELORII

VRBINATIS.

DISTICON.

AD NOBILISS: COMITEM

FABRICIVM

E COMITIBVS GVIDIIS

A BALNEO.

Abdita Aristoteles Sophiæ penetralia pandit.

Sed te Naudæi ducit ad ista Liber.

---

Federici Vbalдини Academici Vrbīnatis.

DE FABRICIO E COMITIBVS

GVIDIIS A BALNEO.

O D E.

**Æ** Quora en cerno Iuuenem Sophiæ  
Non leui intrantem trabe, vaticani  
Cui rubens Cæli bene præbet Astrum  
Se Cynosuram.

Atque Naudeo duce iam relictas  
Aufugit Sirtes, scopulosq; acutos,  
Mox bono Cyrre placidum subintret  
Alite portum.

O' Iouis proles, igitur secessus  
Exue umbrarum folijs, puella  
Construe, & Lauro pia ferta, docta  
Præmia frontis.



II  
AL SIG. GABRIELE NAVDEO

*S'allude al presente Libro De studio liberali,  
& ad un' Discorso, ch' egli hà stampato  
de Venenis.*

Del Sig. Gio. Leone Sempronij.

**N**EL gran Mar de gli studi, ou'altri ab-  
sorto

Spesso riman, de' naufraganti Ingegni  
L' Orsa tù sei, che luminosa insegna  
Trà gli scogli, e le firti il Polo, e'l Porto.

Quindi auerrà, che qual Nocchiero accorto,  
Ogni spirto gentil gli augusti segni  
Del' Herculee colonne abborra, e sdegni,  
Dà i chiari raggi tuoi guidato, e scorto.

Mostran le Carte tue famose, e belle,  
Qual vento scacci le tempeste, e quale  
Desti nel' intelletto atre procelle.

Hor ch' non vuol gloria caduca, e frale  
Tè siegua, ò buon Naudeo, cui dier le stelle  
In frà i Veleni ancor vita immortale.

AL



## A L M E D E S I M O.

Del Sig. Vittorio Bartolini.

**C**ON fi fermo saper l'alto concetto  
 Spieghi, N A V D E O, del tuo subli-  
 me ingegno  
 Che di quei c'hebb'er, tù formonti il segno  
 Pien di Filosofia la lingua, e'l petto.

Mentre col dotto stil' d'ogni tuo detto,  
 Del latino sermon base, e sostegno,  
 La via ne aditi, che conduce al regno  
 Doue hà vera Virtù l'esser perfetto.

Quinci l'ingordo tempo, onde si lagni  
 Haurà veduta ogni sua forza doma  
 Hor che ne mostri come s'accompagni.

Canuto senno à non canuta chioma,  
 Per cui l'antica, e gran Casa de BAGNI  
 Più nō inuidia il suo FABRICIO à Roma.

GA-



13  
GABRIELIS NAVDAEI  
PARISINI.

SYNTAGMA.

DE

STVDIO LIBERALI.

*Ad Illustrissimum Adolescentem*

FABRICIVM

EX COMITIBVS GVIDIIS

A BALNEO.



ACIT omninò egregia tua indoles, Fabrici Nobilissime, Illustri quidem tot maiorum, qui tibi præluxerunt exemplo, velut quodam incentiuo, ad gloriam, & immortale decus, non excitata modo feliciter, sed penitus etiam confirmata; vt ego grauitè sanè, & iniquo animo tulerim, oblatam mihi nondum fuisse, (quam



(quam præ cunctis rebus, cupidè semper optaui) propius te, & familiariter conueniendi occasionem. Atque hoc desiderium meum, aut potius dolorem ex irritò, & ingenti desiderio conceptum, haud mediocriter auxit, Aulicorum nostrorum Torræi, & Slingelandi non vulgare de te iudicium: ipsi enim, postquam te obuiam factum Eminentissimo Cardinali Patruo tuo, amplexi sunt, nulla de re maiori cum voluptate, aut ambitione loquuntur, quàm de tua eleganti specie, ac forma nescio quid vltra communem aliorum sortem promittente, & candidissimis illis moribus, quotidianæq; vitæ consuetudinibus, quæ splendorem antiquum tui generis singulari prorsus affabilitate temperatum apprimè redolent, & obuios quosq; sic in tui amorem pelliciunt, ut non tanta vis insit Pentauræ lapidi, qui quod contingit ad se facile trahit; non tanta Magneti, qui ferrum; aut Electro, quod paleas suscitatur; huicvè bitumini, quod admota protinus inflamat; quantum tibi ad conciliandos omnium animos gratiæ, & virium suppetit. Nempè hoc vnum est, quo tuæ Domus Principes, ab reliquorum familijs distinguuntur, non secus, ac Thebanorum Sparti lancea, & Seleuci



## DE STVDIO LIBERALI. 15

& Seleuci Nepotes anchorà peculiari naturæ impetu in ipsorum corpore depictis, Atheniensisque Cicadis, aut Romani lunulis, quas velut antiquissimæ suæ nobilitatis testes gestare solebant; hi quidem in calceis depictas, & affabre ex auro, vel argento delineatas; illi vero crinibus suis intertextas, ad formæ decus hoc nouo cultu conciliandum. Te verò quicumq; semel aspexit, Fabrici Comes, cui velut Aciliano facies inest liberalis, multo sanguine, multo rubore suffusi, & ingenua totius corporis pulchritudo, ac veluti quidam Senatorius decus; is non habet profectò, quod aliundè requirat characterem istum mansuetudinis, & beneuolentiæ, familiæ quidem tuæ ab omni tempore proprium, sed peculiari tamen Gratia: um indulgentiâ, in Eminentissimo Patruo tuo, eodemq; Mœcenate meo munificentissimo sic egregiè collucens, vt sua nobili, & delenifica specie, seù maui cum Arnobio, oris dignitate, omnium oculos in se conuertat, omnium mentes rapiat in sui amorem, ac desiderium. Nec mirum est sanè quod iisdem illecebris, velut potentioribus philtis à natura donatus; publici quoque fauoris, & gratiæ, partem aliquam sustineas.

Velut



*Parua, sub ingenti matris se protegit umbra.*

Hoc verò mihi potius dolendum est, quod nascentis tuæ virtutis aspectu, & herbescenti tot florum amœnitate, quos hac tua vernanti iuventute, in vberriamæ messis antecessum, quotidie præmittis, recreari præsens, ac refici non potuerim, neque pariter affectum meum, ac propensam meam in tua commoda voluntatis testem animum, viua voce, quæ magis semper afficit, & præsentī velut obsequio propalare: non quidem ingenij tui fertilem agrum à doctissimo tuo Riccio singulari diligentia pridem excultum, noua curatione occando, vel reparando, at verò secundis votis, & familiaribus etiam colloquijs. ipsum raptim, & qua saltem parte valerem, adiuuando, expoliendoq;.

**Sed** nihilo fecius tamen officio meo defungar, quam si tibi præsens in transitu adfuissem. Et quemadmodum diuinis rebus operantes, in cam Cæli plagam ora conuertimus, à qua lucis incipit exordium, sic in ista mortalium conatus per studia nostra iuuandi ratione, quæ res mihi planè sacra videtur, inexorētis tuæ virtutis lumen præclarissimum, vndecunque possim respiciam, atq; ea tibi de cultura ingeniorum



DE STUDIO LIBERALI. 17

niorum præscribam, quorum etiam si minimè omnium indigeas, quandoquidem.

*Hæc data cum fuerit talis præstantia mēbris,*

*Dij animam membris inferuere parem:*

Mei tamen haud mediocriter interest, qui deuouere me ipsum generis tui gloriæ, & consecrare constitui, quantum me sibi deuinxerit inusitata Io: Francisci ex Comitibus Guidijs à Balneo Patruī tui meritò sanè quam Eminentissimi beneuolentia, hac arrepta occasione cunctis patefacere, simulq; tuam promereri gratiam, & Excellentissimi Marchionis à Montebello Patris tui frequentioribus votis, quæ pro optima institutione tua concipit libenter inferuire.

Et verò intuenti mihi sæpius, Fabrici Comes, in istius quodcumq; est negotij, hoc vnū in primis mirum videtur, tot videlicet homines, ingenio fælici, & longo rerum, ac scientiarum vfu præditos, qui istud in se operis pertractandum, recepere Guarinos intelligo, Agricolas, Erasmos, Ringelbergios, & cæteros, qui apud Alstedium per saturam recensentur; eos inquam omnes in præceptis tantum grammaticalibus, & cantilenis familiaribus, vel pueris de triuio, præceptionum suarum sum-

B

rum sum-



rum summam reposuisse, proluxaſq; commentationes edidiſſe de ſtudiorum ordine, verborum apparatu, ſententiarum copia, delectu phraſium, Auctorum imitatione, legendi, atque excerpendi, & recitandi modo, ſomni tempore, victus menſura, corporis exercitio, & eiufmodi reliquis: quæ longè ſatius erat moderatorum iuventutis arbitrio relinquere, vel legibus iam in Academia receptis, vel diſcipulorum moribus, ac naturæ conuenienter ordinanda; nihil verò vnquam præcepiſſe de ſtudiorum vſu, eorundemq; ad varias artes applicatione, & generalibus illis documentis, quæ mentem aperiunt, ac illuſtrant; ſcientijsq; & doctiorum actionibus hunc colorem ſuperinducunt, abſque quo mortuæ prorsus iacent, aut ſaltem inſulſæ, fatuæ, ridiculæ, nec maiestatis ſuæ pondus habentes, nec multum ab illis, quas Petronius in adoleſcentibus ridet, nondum lectione ſeuera mitigatis, vel Comici doctoribus, ac Pædagogis aſſingunt, remotæ. Vnde etiam nemini proſectò mirum videri debet, ſi fermè omnes ab eiufmodi præceptioribus inſtituti, poſtquam ex vmbraculis domeſtica illius exercitationis in publicam hominum lucem prodeunt.

Hos



## DE STUDIO LIBERALI. 19

*Hos populus ridet, multumq; torosa iuuentus  
Ingeminat tremulos naso crispante cachinnos*

Non alia profectò de causa, nisi quod humanioribus quidem scientijs innutriti, sed illiberali modo, & seuera nimis, ac prorsus incondita methodo, dum se totos ponunt in addiscendis memoriter auctoribus, & ipsorum phrasi diligenter exprimenda, nihilq; eorum, quæ in usu habemus, audiunt, aut vident, laboris tandem improbitate efferantur, & deserunt cætera; solum, & puriorem dicendi modum abdicant, urbanioris vitæ præcepta nesciunt: historiam negligunt, magistrum, ac ducem bene, beatæque viuendi, de qua usus rerum omnium prouenit, & peritia tota Republicæ constituendæ, administrandæq; paratur, denique nec viam ipsi sciunt, qua itur in forum, nec locum, vbi aut Senatus habeatur, aut populus coeat, aut lites dirimantur: leges, decreta, edicta Ciuitatis, ignorant, studia candidatorum, conciliabula, comessationes, ne somniant quidem: talesq; demum enadunt, ut si postea Prætores, iuridicundo se deant, vel in Senatu sententiam regentur, aut illis publicè dicendi, vel de negotio aliquo cum familiari, tum politico tractandi munus imponatur, non

**B 2**

modo



modo se in alium terrarum orbem delatos  
 existiment, sed aliquando præsenti-  
 bus risum excutiant, dum fatua, dum delira loquuntur,  
 & deblaterant, totaq; eorum non minus in-  
 compta, quàm imprudens est oratio. Vt merito  
 sanè Greci, genus istud hominum *ματαιότης* vocent,  
 nomine quidem omni vitæ instituto  
 conuenienti; Galli vero Pedantes, vocabulo  
 minùs generali, sed rei tantum litterariæ,  
 eiulque affeclis congruenti: quoniam puerili  
 tantum iudicio, atq; ineptijs præditi, vbi mul-  
 tum temporis nugando contriuerunt, Reipu-  
 blicæ penitus inutiles efficiuntur, nec ad res  
 serias animum possunt adducere; non aliter  
 profectò, quam si quarta luna nati forent, aut  
 Ioue irato, in hoc sordidum, & illiberale lit-  
 teratorum pistrinum detrusi. Quo factum est,  
 nec immerenter quidem, vt sapientissimis illis  
 Græcorum, & Romanorum temporibus, quæ  
 nobis exemplo esse debent, eius quod in stu-  
 diorum ratione fuit præstantissimum, non ali-  
 quoties modo à grauissimis Auctoribus per-  
 stricti fuerint, bilem vè Satyricorum, & gran-  
 de Persij sophiæ, ac vehementissimam Iuue-  
 nalis Nemesim commouerint, sed Comico-  
 rum præcipuè sales, ac dictoria in suum caput  
 velus



## DE STUDIO LIBERALI. 21

velut Cæcias nubes, & ventos attraxerint, apud quos præter Rusticos, anus, ancillas, milites gloriosos, & parasitos, qui turpitudinem ridiculam exhibebant, serui quoque, non postremum locum obtinere, inertia sua, vel stultitia, aut calliditate, ludos facientes spectantium populo. Horum verò cum quinque genera constituerentur, secundum apellabatur *xyquor*, quorum officium, suspicatur fuisse Iulius Cæsar Scaliger, Heriles filios in Palestinam, in Ludum, ad sacra deducere, reducere domum, & comitari, qualis erat ille Geta Terentianus in Phormione; Rufos autem, eiusmodi pædagogos fingeant Græci, capillis in coronæ modum attonsis, protensis supercilijs accersita, fucataq; vultus grauitate ridendos. Sed non defuere etiam, ex recentioribus viri certè graues, inter quos nostrates duos Michaellem de Montaignes, & Petrum Charondam honoris causa nominabo, qui vitium hoc, tanquam ingeniorum pestem, & bonæ menti prorsus inimicum, cane peius, & angue vitandum esse monuerunt; vt nihil impræsentiarum de Buchanano, & Palingenio dicam, qui stylum acuere non semel visi sunt aduersus tales, & tam ineptos iuuenum cultores, quos-

B 3



res, quorum moribus, & instituto sic infensum se præbuit, posterior ille, non minus re, & præstanti doctrina, quàm nomine Stellatus, vt susceptam plagosi cuiusdam Orbilij descriptionem non potuerit tandem aculeatis istis, & mordaci sale respersis versibus non absolvere.

*O caput elleboro dignum, sic pectora caca  
Imbuis, & rerum ignaros hac fruge saginas,  
Hoc sale conditur tenera, & petulātor atas!  
O corruptores non cultores puerorum!*

Quæ quidem omnia, eò fufius, ac libentiùs à me, de hac corrupta, & deprauata, cùm docendi, tùm discendi methodo dicta sunt, Fabrici Comes, quoniam ex ipsa tanquam Lernæa quadam, Palude, aut Pandoræ pixide, cætera mala in communem studiosorum vitæ deriuantur, quæ nunc sub tuo ductu, ac felicibus auspicijs exagitanda, profligandaq; desumpsimus; sic enim vsus ferè semper obtinuit, vt præterquam re vera, qui inter Scholasticas concertationes tantum nutriuntur, minus apti rebus gerendis euadere solent; hoc insuper litteratorum nomen, velut quoddam malum omen, & si fas ita loqui, peccatū originale, secus afferant, in quod postea, quid,  
quid



## DE STUDIO LIBERALI. 23

quid ipsi, vel forte, vel humanitùs, aut ineuitabili necessitate peccauerint, soleat à male feriatis quibusdam, & parum beneuole iudicantibus statim reijci, cum tamen reliquorum erroribus, qui nulla, vel admodum mediocri litterarum imbuuntur tinctura, mille ab iisdem excusationū species prætendantur, quiduis aliud quam hoc eruditionis nimiae grande nefas, in culpam vocantibus. Et sane quantum ad me attinet, parum quoque ab illis dissentirem, si mitius, ac modestius, cum his omnium innocentissimis hominibus se gererent, qui longà iam obseruatione didisci, nihil æquè ob esse artibus ingenuis, ac liberalibus studijs, quæ mores emolliunt, & temperant, ac homines bene cordatos, habilesq; ad quiduis laudabiliiter tractandum efficiunt, quam vitium istud prauæ educationis, quo post modum velut excæcati, & Andabatarum more, in omne genus vanitatis, ac stultitiæ, & erroris feruntur præcipites. Quare in hoc præsertim vnum, totis mihi viribus incumbendum esse intelligo, vt proposita iam ob oculos istius labis deformitate, quam optimi, & ingenui odolentescentes pedentim à Scholis contrahunt, eius etiam declinandæ rationem in medium



medium afferam; quod instituti nostri videtur  
esse præcipuum; Illo si quidem obice à studio-  
rum cursu semel amolito, nihil amplius impe-  
dire potest, quo minùs ipsa liberalia censcan-  
tur, & libero homine, hoc est ad omnem ciui-  
lis vitæ cultum, & elegantiam composito di-  
gnissima. Hoc autem quo facilius consequar,  
totius præceptionis, quæ ad istud potissimum  
necessaria iudicatur, duas partes visum est mi-  
hi constituere, quarum altera discendi, & Ly-  
cæum Academiamvè frequentandi munia præ-  
scribet, altera verò studiorum fructum, ac uti-  
litatem omnem, ad quævis officia ciuilibus vitæ  
gnauiter exercenda, per bonæ mentis aquisi-  
tionem, sapienter conuertet; simulq; modum  
assignabit studijs ipsis legitimè vtendi, & ab  
ijs præcauendi, quibus durior plerunque, ac  
asperior experiri solet, familiaris eruditorum  
hominum consuetudo. In vtriusque verò par-  
tis tractatione, generalibus præsertim docu-  
mentis insistam, cum particularia non nisi dif-  
ficillimè præscribi possint, aut in artis, vel sci-  
entiæ methodum reduci, ipsaq; mentis, non  
secus, ac corporis in vno quoque homine me-  
dela artificum industriæ relinquenda sit, quo-  
rum interest maxime vniuersalis artis suæ re-  
gulas, ad



## DE STUDIO LIBERALI. 25

gulas, ad particulares subiecti, quod præ manibus habent, differentias accomodare.

Quemadmodum igitur magnum iter ingressuri Mercurio litant, Deosq; viales sibi propitios reddunt, quorum Auspicijs feliciter progrediantur; & ipsi Nautæ cum in altum feruntur, Cynosuram continuò respiciunt velut nauigationis susceptæ ducem, sic & adolescenti, in Herculis Biuiis primùm insistenti, varij quoque ab optimis auctoribus præstituti fuere duces, per quos tanquam per media quædam omninò necessaria, mens illius, à carceribus suæ cupiditatis, ad destinatam scientiarum metam perueniret. Quamuis tamen ingenuè fatendum sit, non minorem in ipsorum assignatione varietatem, & confusionem statim depræhendi, quam in cæteris rebus, de quibus diuersi vnquam homines, aliquid suo modo, vel genio statuere voluerunt. Si quidem insignis ille Philosophiæ Platonici Vindex Marsilius Ficinus, præceptoris sui vestigijs inhærens, qui superstitiosè multa profequitur, nouem itineris huius Duces constituit, quorum primi quidem tres in Coelo, tres sequentes in anima, postremi tres in terra nos deducant; Vndè, si quid illi credendum, Mercu-



Mercurius ille Cœlestis, qui primus omnium occurrit, vt inuestigando Musarum iter ingrediamur, vel impellit, vel adhortatur; deinde Phœbus ipse, animos in causarum inuestigatione defudantes; & res quæsitæ, splendore vberimè sic illustrat, vt perspicuè illud ipsum quod latebat, à nobis inueniatur. Accedit gratiosissima Venus, cuius mirificà quadam, & salutari voluptate circumfusum hoc, quod instigante Mercurio quæsitum fuit, & monstrante Phœbo iam erat inuentum, delectet semper, & profit: Sequuntur postea apud eundem, tres itineris huius Duces in animo, nempe voluntas ardens, & stabilis; acumen ingenij, & memoria tenax: Tres verò in terra potestati sunt, prudentissimus pater familias, probatissimus præceptor, & Medicus doctissimus: ac cæteros quidem Duces Deum, & naturam ab initio nobis largiri, tres autem reliquos, à nostra diligentia pendere contendit; Omnes vero sic necessarios esse, vt absque ijs nouem Ducibus, neminem vnquam ad ipsum Musarum templum peruenisse confidenter asserat. Neque magis ad rem appositè locutus est Paulus Scaligius, dum in quouis studio quinque meditanda proponit, primum, vt in  
contem-



## DE STUDIO LIBERALI. 27

contemplatione Diuinitatis impendatur, & finem sibi constituat diuinum, dein, vt ordinem obtineat tendentem ad bonum Vniuersi, non priuatum: postmodum, quod non vi, sed sponte suscipiatur, idq; cum vniuersalissima rerum omnium, quæ ad ipsum pertinent cognitione, & iudicio nulli, præterquam vnice Veritati mancipato. Istis vero paulò antiquior Anonymus quidam, melius aliquantis percollimasse mihi videtur, licet eius sententia Leoninis versibus alligata, parum venustatis, & gratiæ, duobus istis, quibus integra comprehenditur afferat.

*Multa rogare, rogata tenere, retenta docere  
Hæc tria discipulum faciunt superare Magi-  
strum.*

Quibus addam libenter (parcant mihi Virgiliani Manes, & quicquid in Helicone reperitur arida modo pumice explitum) sex alias clauas, quas non admodum elegantiori carminum genere à præceptore suo comprehensas, magni semper fecit, vir supra quam barbaries sæculi sui ferebat in omni litterarum genere versatissimus Io: Sarisberiensis, Carnuti, quæ Ciuitas est Gallia, Antistes meritisissimus, a quo sic in opere de nugis Curialium hoc ordine



dine recensentur, explicanturvè acuratissima  
singularum declaratione.

*Mens humilis, studiū quarendi, vita quieta,*

*Serutinium tacitū paupertas, terra aliena,*

*Hæc referare solent multis occulta legendo.*

Sed quo paulatim ad antiquiores illos, & me-  
horis aui retinentes, rectè loquendi, & sen-  
tiendi magistros accedamus; en Aufonij no-  
stri Eurdegalensis versatilis Musa, ludentisq;  
calami mira facunditas, Demostenis ea de re  
iudicium perbreui sanè hoc Epigramatè, sed  
multis tamen obstructo difficultatibus com-  
præhensum nobis offert?

*Discere si cupias, doctis quam multa licebit?*

*Qua nosti, meditādo velis imolescere menti,*

*Qua didicisti, haud dum, discendo abstu-  
mere tendas.*

Sic enim illud exhibent typographi recentio-  
res, cum tamen ante septuaginta annos Aldi-  
nus codex, & Gryphius postea liquido habe-  
rent in primo versiculo Doctus, quæ vox male  
intellecta tucum proculdubio fecit disertissi-  
mo Eliæ Vineto, cuius opera, atq; industria,  
Aufonij monumenta emendatiora, explica-  
tioraq; habemus, Hic enim, vti probum Vi-  
rum, atq; ingenuum decebat, sincere fatetur,  
se men-



DE STUDIO LIBERALI. 29

se mentem huius epigrammatis assequi non  
 valuisse; quam paulò post Hugolinus quidam  
 Martellius, operæ prætium esse duxit integro  
 volumine declarare, sed satiùs illi profectò fu-  
 isset micare digitis, aut cucurbitas pingere,  
 cum huic potiùs, tam spissum velur sepia at-  
 tramentum infuderit, ut illud vix eluere pos-  
 sit quidquid est aquarum in Hipocrene, & Pe-  
 gaso, adeò singula quæq; verba male torquen-  
 do, quo sex in illis gradus ad expeditè discen-  
 dum inueniret, omnem fermè Epigrammatis  
 sensum corrumpit, qui sic, meo quidem iudicio,  
 restituendus est, ut nihil aliud sibi velit Au-  
 sonius, nisi modum edocere, quo docti homi-  
 nes multa loqui, & dicere possint ex tempore,  
 qui quidem modus in hoc tantum consistere  
 videtur, ut, quæ iam optimè norunt, velint  
 ea inolescere menti, idest firmiter inferere, ac  
 imaginationi, & ingenio commendare, quem  
 admodum eodem sensu dixit Agellius *Natura*  
*induit nobis, inoleuitq;* quæ verò nondum be-  
 ne didicerint frequenter dicendo, & repeten-  
 do adsumere, & altius memoriæ infigere co-  
 nentur, sicq; totum Epigramma lego, & in-  
 terpungo.

*Dicere si cupias doctus quam multa, licebit.*

*Quæ*



*Qua nosti, meditando velis inolescere menti,  
Qua didicisti haud dum, dicendo adsumere  
tendas.*

Denique cum Diuina philosophiæ Syren, Platonem intelligo, tria tantum in studioso desideret, nempe, vt sit discendi cupidus, veritatis amans, & laborum patientissimus, nihilq; requirat in Philosophiæ candidatis mortalium, vel Apollinis iudicio, sapientissimus, præter acumen ingenij, memoriam, studium, & ardorem discendi, tolerantiam molestiarum, quæ discendo sunt exantlandæ, veritatis amorem, ac demum, vt omne suum tempus eiusmodi studijs libenter impendat; quibus non ad modum dissimilia; artis suæ tyronibus iam diu antea præceperat, Medicinæ præcipuum Numen Hippocrates, naturam in illis, locum studijs aptum, industriam, tempus, doctrinam, & exercitationem, desiderans. Horum certè omnium vota compræhendisse, & in meliorem ordinem redegissee videri iure meritò potest alterum ab ipso Hippocrate Medicorum decus, Claudius Galenus, ille siquidem libri de Constitutione artis cap. 6 septem velut præparationes in adolescentibus requirit, antequam altioris philosophiæ penetralia lubeant, quas  
ani-



## DE STVDIO LIBERALI. 31

animus mihi est paulò diligentius examinare,  
 quandoquidem sunt veluti quædam præludia,  
 & propædumata ad reliquas artes commodius  
 addiscendas; quæ & tibi, Fabrici Comes, &  
 cæteris, qui in humanioribus litteris erudiun-  
 tur, non mediocri etiam adiumento esse pos-  
 sunt. Quanquam nunquam ego existimarim,  
 ità pertinacitè in singulis tibi esse inhærendū,  
 quasi absque vno, vel pluribus ipsorum in do-  
 ctissimum aliquando, & sapientissimum homi-  
 nem euadere non possis. Natura igitur pri-  
 mum à Galeno desideratur; non illa quidem,  
 quam pro temperie, vel facultate corporis re-  
 ctrice, alibi medicorum vsui conuenienter  
 vsurpauit, verum, pro hac ingenij, & mentis  
 facultate, quam intelligit Cicero in Oratione  
 pro Archia Poeta, vbi asserit *Se multos vidisse  
 homines excellenti animo, ingenio, ac virtute  
 fuisse, & sine doctrina natura ipsius habitu pro-  
 pè diuino.* Quo fermè sensu eandem definiuit  
 Arist. lib. 1. Analyticorum cap. vlt. & section.  
 xxix. problematum, problem. vij. subtilitatē  
 quandam ingenij, medij in non perspecto tem-  
 pore inueniendi: Vnde non parum refert utrū  
 quis ad isthæc Musarum sacra, naturā afferat,  
 Palamedis, aut Thersitæ, Aristotelis, aut  
 Mar-



Margitæ, Ciceronis, aut Bambalionis. Quoniam nisi probè à natura affectus sit animus, qui scientiarum omnium ager est, sed contra sit ingenium hebes, iudicium immaturum, fallax memoria, vix, ac ne vix quidem, semina sapientiæ poterit accipere; vt enim è quouis ligno non fit Mercurius, sic nec ex quouis homine philosophus, sed quemadmodum inter lapides, quorum nomen, hac forte ratione Græci, hominibus inditum esse voluerunt, cū ipsos *ἀσύνετα* apellauere, alij sunt vulgares obscuri, terrestres, scabri, rudes, ingrati, vilioribus tantum ædificijs inseruientes, alij verò micant continuo fulgent, luceſcunt, ardent, ſtellantes demum, ac perſpicui, & prætioſiſſimi a parent: non ſecus inter homines, alij plebei ſunt, barones, bardī, ſtupidi, quid diſtēt æra lupinis vix dignoſcentes, vt credibile eſt quondam fuiſſe Coræbos, Macconas, Myrichos, & ſiqui præter ipſos ſtultitiæ fama, longa temporum ſeriē, ad hanc uſque ætatem peruenierint; Alij vero ſublīmi genio pollentes, & ſuo prætio commendati, quales apud antiquos extitiſſe legimus, mirabiles illos extemporaneæ orationis artifices, prodichum Chium, Carneadem, Chriſippum, Protagorā, Gorgiā Leonti-



# DE STVDIO LIBERALI. 33

Leontinum, Hippiam, & reliquos eiusmodi Sophistas, qui in publicis Græciæ conuentibus de quocumque Scibili, imparati dicebant, ad miraculum vsque doctæ, & eleganter. Apud nos verò Io: Picum Mirandulanum, Tiberium Ruffilianum, Iacobum Mazzonium, Eminentissimi Patruī tui in humanioribus studijs præceptorem, Paulum Scaligium, Hieronymum Burigellam, Antonium Persium, Iacobum Critonium, Eduardum Monitium; qui de omnibus scientijs, in ipsa pubertate, respondentes, ingenium videntur obtinuisse ad omnia factum, mentemq; totius vniuersitatis rerum capacem, qua præeunte nihil non peruium illis offerebatur, nihil non retegebatur absconditum; vt meritò, quemadmodum Demosthenes primas in Oratione detulit pronunciationi, sic iure Galenus naturam, ingeniumq; præluere voluerit liberalibus studijs, & sapienter institutæ iuuenum educationi. Secundum vero, & tertium, quæ post naturam desiderabat Galenus hæc erant, nimirum, vt pueri statim ab vnguiculis laudabiliter, & ab optimis præceptoribus instituantur non aliter prorsus quam apud Horatium.

*Fingit Equū tenera docile Cervice magister*

*Ire*



*Ire viam, quam monstrat Eques.*

Multum siquidem refert, illos molles adhuc,  
& ductoris pollicem sponte sequentes, labori-  
bus assuescere, & informari ad virtutem, pri-  
usquam domestica indulgentia corrupti, vitia  
cum intelligant, tum degustarint maxime cum  
propter effervescentiam cupiditatum, & quod  
nondum in illis adulta sit ratio, quæ postea  
quam bene confirmata est, vix etiam videtur  
posse, senes, & ætate prouectos homines, ab  
omni errato, & culpa, coercere; multa in hac  
ætatem cadant, quæ sunt interdum vitio pro-  
piora, quam virtuti: & recte monuerit Marcus  
Aurelius Imperator, eum, qui in hoc primo,  
& præcipiti ætatis flexu non cadit, non posse  
saltem non grauitertitubare: Quare optimis  
statim præceptoribus committendi sunt, à qui-  
bus & virtutum prima rudimenta suscipiant,  
& ea maturè doceantur, quorum gratia nomē,  
ac æstimationem sibi deinceps volent compa-  
rare, nam

*Venaticus ex quo*

*Tempore, Ceruinam pellem latrauit in aula,*

*Militat in Syluis Catulus,*

Inquit idem Horatius. Et vero, licet multos  
olim ~~autodidantur~~ repertos fuisse non ignorem,  
qui



# DE STUDIO LIBERALI. 35

qui sua industria nullius adiuti ministerio, illud etiam dicere possint, de quo se iactabat Cytharædus quidam apud Homerum; Ex me ipso edoctus sum, neque alius mihi nisi Deus menti, animoq; tot numerosas indidit cantilenas, quemadmodum Heraclitus Ephesius, quem narrat Plutarchus, nullo commonitore, & cōmonstratore, philosophiam omnem percepisse; & Manlius Eques, factus, si Plinio credendum, nullo præeunte, doctissimus; & Apuleius, qui hoc de se prodit, primo fabularum; Epicurūq; annuente Tullio; & Virgilius, referente Petrarcha; ac demū Diuus ipse Augustinus, qui lib. 4. confessionum gloriatur, semetipso legisse liberalium artium libros, & intellexisse: Nostriq; similiter temporibus, multis emergere, absq; præceptorum opera contigerit, vt Petro Ramo in philosophiæ studijs; Mureto in arte oratoria, Guilielmo Postello, in linguarum penè omnium, Hebraicæ verò præsertim cognitione; Cuiacio in Iuris prudentiæ notitia, Philelpho denique, ac Budeo, in omnibus humanioribus litteris: licet, inquam, plures alij sua sponte, & natura, bonas, & Musicas artes potuerint addiscere, breuius tamen hoc iter illis fore, & compendiosius

C 3

us sem



us semper existimaui, quibus præceptores aliqui, aut saltem præmonstratores studiorum, & comites adiunguntur, qui non modo, eo iam eruditionis, & doctrinæ, suis laboribus prouecti sint, vt meritò possint aliorum informationi præesse; sed qui præterea, rerum æquè ac scientiarum vsu polleant, nec minus exploratam habeant, communem viuendi, quam docendi rationem. Atq; hæc tria Galeni vota, quartum sequebatur, videlicet, vt Musarum sacris initiatus, per continuos labores, ac honestum sudorem ingenium suum magis, magisq; expoliat, nunquam in currendo defatigatus non anhelus, nec suspiriosus, sed quo longius spatium est, ita in eo penitus emetiendo se vehementius inflammet, & accendat; secumq; reputet, laborem vocari ab Euripide honoris patrem; & neminem sibi, ex voluptatibus laudem quæsiuisse. Cum Dij ipsi, cuncta nobis laboribus emenda tradiderint, & ipsorum imitatione Ægyptij, ac omnes fermè Græciæ populi, sapienter cauerint, vt inertes, & ociosi, per totum vitæ spatium, inglorij, ac ignobiles haberentur: Romani vero forti Fortunæ, quam vacuanam, & ociosorum patronā apellabant, nullum in Vrbe Templum, sed

Trans-



# DE STUDIO LIBERALI. 37

Transsyberim ædificandum esse censuerint, ut inertiam omnem animorum, ac studiorum pestem, a bene institutæ Ciuitatis finibus, procul arcendam indicarent. Quæ omnia si cõtantum ab Auctoribus referuntur, ut ad sellularias plerũq; & ignobiles operas oppido persequendas homines excitent; tum vero maxime iuuenes, virgere, atq; impellere debent, ut liberalibus, quarum cognitione nulla est iucundior, nulla pulchrior, aut humanior omnem animum, omnem conatum, & irapetum fortiter applicent; tantoq; libentius, in id vnum, sibi incumbendum esse reputent quantum res præstantissimæ longe carius emi solent, quam viles, & vnicuiq; passim obuiæ, ut enim rectè quidam non infimi spiritus Poeta.

*Nocte graues somnos resolutus compede fossor*

*Carpit, & in medijs Nauta quiescit aquis.*

*Nocte tibi nigre est fuligo bibenda lucerna,*

*Si modo Calliopes castra sequenda putes.*

Et vero si magnorum virorum exempla quidquam ad hoc persuadendum valent, non desunt sanè illustria; Plinius siquidem, somni homo parcissimi, inter cœnandum, libros sibi legi sepius iubebat, & Romæ sella vehabatur, ut facilius posset lectioni incumbere; Similiter de

C 3

Catone



Catone Vticensi refert Valerius, eum nec in Curia quidem, dum Senatus haberetur, sibi temperasse, quo minus Græcorum libros le-  
ctitaret, & Origenes, vt ad nostros deueniam, nunquam manus habebat pugillaribus vacuas, nec cibum libenter sumebat, cum eruditio-  
ni suæ accessionem aliquam factam non arbitraretur; sic Diuus Hieronymus, dentes sibi limâ abraferat, vt liberiùs, ac faciliùs posset linguam Hæbream pronunciare; & perpetuò aliquid meditabatur, quod ad Dei Tribunal afferret: sed quid antiquos commemoro? cum duo Gallia lumina Budeum, & Turnebū ipso nuptiarum die, bonas aliquot horas studijs im-  
pendisse, tam certum sit, quam quod est certissimum; imò vero ita improbi, & pertinaces quorundam fuere labores, vt suspiciendi potius quam imitandi veniant; Egre-  
dientibus Bononia si ad Orientem iter flectant, locus ostendi solet, Sancti Victoris nomine, in quo celeberrimus iuris interpres Bartholus, triennio quasi sepultus mansit, vt Imperatorias sã-  
ctiones penitus addisceret; nec desunt apud nos, qui fidem obstringant, Theodorū Mar-  
filium Regium in Academia Parisiensi profes-  
sorem, ita studijs addictum vixisse, vt decem  
annos



## DE STUDIO LIBERALI. 39

annos integros, ne pedem quidem extulerit, extra Collegij Plesſæi Limen, vbi primū Aca-  
demiā ingressus, sedem Musis suis elegerat; sed hæc, monstrorum loco habenda sunt, & scopulorum instar, ad quos elegantioris doctrinæ studiosi nunquam debent impingere, si bonæ mentis opinionem sibi seruare velint, vitamq; à communi studiosorum rusticitate, atq; vt ita dicam ἀφιλανθρωπία liberam ducere. Ad-  
iunxit postea Galenus methodum, ac ordinē, exemplo naturæ, quæ nihil absq; ordine me-  
ditata est, vel effecit vnquam, propterea quæ Plato ipsum esse dicebat, scientiarum, ac artium omnium formam, & Socrates, se eius libenter tanquam alicuius Dei vestigia secuturum asse-  
ruit, qui recte posset distribuere, tanta vis in-  
est appositionis rerum tractationi! tam præclara res est, & omnino necessaria methodus! seu illa seruetur in Academicis, vel forensibus ne-  
gocijs, in artibusvè mechanicis, aut liberali-  
bus. Imo verò quemadmodum, nisi debito tempore, occationes, repastinationesvè, & tertiationes, quæ methodus est Agricolarum, campis afferantur; nisi paululum interquiescere permittantur, Cœliq; diuersas tempestates opportunè excipiant, quantumcumq; sua na-  
tura.



tura fertiles sint, & vliginosi, ipsi tamen pro  
 frumento rubos, pro siligine lentes, pro tri-  
 tici delitijs infelix lolium, & quisquilijs affe-  
 rent; pari modo iuuenis animus, nihil vnquā  
 egregium in studijs prestare poterit, nisi prius,  
 mentem suam confusione liberet, & medico-  
 rum instar, qui liquida solidis, & coctu facilia  
 in stomachum præmittant, à facilioribus inci-  
 piendo, viam sibi ad difficiliora muniat, om-  
 nia suauiter disponens, artesq; & scientias per  
 partes addiscens, absq; vlla obetratione, quia  
 varijs anfractibus animum distrahit, nec per-  
 mittit eum huic se negotio tantum, quod præ  
 manibus habet familiariter applicare: Quod  
 si tanta vis inest optimæ dispositionis in orati-  
 one, vt alicui, ex placitis Rethoricæ dicenti,  
 aures suas teretes, ac purgatas vnusquisq; sta-  
 tim accomodet, & quidquid ipse proferet, ve-  
 lut à benigno quodam, & plusquā Amaltheo  
 cornu defluum accipiat; quam suauior debet  
 esse harmonia? quam iucundius melos? non  
 quidem diuersarum fidium, non multiforatilis  
 tibiæ, vel disparium calamorum, sed Græcorū  
 cum Latinis, Oratorum cum Poetis, diurnæ  
 lucubrationis cum nocturna, laboris cum qui-  
 ete, iocorum cum studijs, in vno simul iuue-  
 ne, sa-



## DE STUDIO LIBERALI. 41

ne, sapientissima prorsus, & admirabili methodo, rectè inter se conuenientium. Verum tempus est, vt ad duo postrema descendamus, quibus, Vir ille doctissimus, disciplinæ cuiusuis præludia conclusit, nempe veritatis amorē & crebram, ac conitnuam exercitationem; quamuis de veritate pauca hic à me dicenda sint, qui in altera huius Syntagmatis parte, de eius utilitate & inuestigatione me dicturum spero, interim illa, si quod vis aliud, Tyronibus nostris maxime necessaria est, vt omnibus etiam alijs, quicumque eam vitæ ingredi rationem sibi proponunt, ex qua scientia animo adueniens, tanquam oculis lux, tutissimum iter reliquum præstaret, ea siquidem lux in Panathenaicis, quod monet Tyrius, comparari non potest, nec viæ ad ipsam ducentes nugæ sunt, aut deliramenta verborum, non villicæ curationes, nec forensia negotia, verum amor veritatis, & existentium rerum speculatio, quæ huic negotio impendatur. Exercitatio denique multum etiam hic obtinet momenti, quandoquidem, vt inquit Arist. rerum expertos videmus magis id quod intendunt consequi, quam illos, qui rationem absq; usu & experientia tenent, vnde si in eloquentiæ, vel poetices studijs sty-



stijis stylus non exerceatur, si in theoretica philosophia contemplatio frequens non adsit, aut in practica usus, & exercitatio negligentur, cetera parum, aut nihil iuuare poterunt, ac fermè vt experientia nos docet, quod,

*Ferrum dum transit in usus,*

*Affiduo splendore micat, vultuq; nitenti*

*Audet ad Argenti decus aspirare superbum;*

*At si longa quies ierit, fuscatur, & atram*

*Vertitur in scabiem, celeriq; absumitur aeo.*

Eodem etiam propemodo dicendum est, mentem nostram desidia flecti, otio torpescere, & nimia quiete sensim debilitari; quæ si diligenti usu, assidua lectione, & iugi contemplatione exerceretur, difficillima quæque facili negotio intelligere posset, & miraculum sui in hominibus excitare. Atq; hæc sunt, Fabrici nobilissime, quæ sapientissimi homines ad expeditam discendi rationem velut prærequisita, & isagogica suis in libris desiderauere, in quorum explicatione si diutiùs immorari visus sum, quam forte rationi consentaneum iudicabitur, id omne feci, cum tua, quem vehementer delectare solent huiusmodi præceptiones, tum aliorum præsertim de causa, quos non possunt nō aliquo modo iuuare; aliquo modo dixi, quoniam

niam



# DE STUDIO LIBERALI. 43

niam nec illas si libenter se obtulerint negligi vellem, nec si non se obtulerint, vehementer requiri: Natura cuiusque, quæ nihil ex omni parte beatum effecit, aut meditata est vnquā, sibi viam per incognitos plerunq; calles ad ardua moliente, & supplente, auxiliorum, quæ ad id necessaria iudicamus defectum, per alia quædam noua, & inexcogitata, vt nobis exemplo sint hominem, quemadmodum innuit Cicerō varia habere instrumenta ad obtinendam adipiscendamq; sapientiam, & ipsam naturam Vertumni cuiusdam, aut Protermodo, varias species induere, nec vllis legibus, aut vinculis posse alligari, & re vera videmus plerunq; multos esse ingenio admodum hebeti, & obtuso, qui tamen labore, & diligentia tarditatis suæ damna rependant; alios ætate prouectiori vix è carceribus soluisse, qui nihilominus ingenio suo adiuti, prius quam reliqui metam attingant; quosdam denique vix præceptoribus operam dedisse, aut studijs, exercitationi, methodo tempus impendisse, qui propter alias dotes nihilo secius feliciter, quam cæteri cursores, stadium absoluant; vt hæc omnia propedumata non tanquam absolute necessaria, sed facilioris tantum, & expeditioris doctrinæ gratia,



gratia, cum à Galeno, tum ab illis proposita videri possint, quorum præclaris opinionibus si meæ lacinias licitum mihi esset attexere, tria tantum proponerem, quæ unicuiq; ad eruditionis, & doctrinæ decus anhelanti omninò præstanda sint, videlicet, vt planè, rectèq; percipiat quod discit; vt fidelitèr, quod percepit contineat, & vt ex eo aliquid ipse deinde parere, proferreq; valeat: Primum diligentis lectionis est opus, Secundum fidæ memoriæ, Tertium assiduæ exercitationis; Omnia verò sic inter se cohærent, vt mutuïs inter se connectantur auxilijs, & vnum sine alio vix quidquæ laude dignum possit efficere; siuè enim quis proprio tantum, vel præceptoris ductu, & tarde, vel maturè, aut cum ordine, vel confusè, operam litteris impendat, nisi tamen, quæ legit probè percipiat, & quæ percepit fidei memoria reseruet, ex ipsisq; tandem aliquid in suum, aut aliorum vsum eliciat, non video quem demum possit tot lucubrationum, quæ studijs impenduntur finem adipisci. His igitur tribus velut pedamentis, & fulcris inixus adolescens, liberalibus disciplinis instituendus; debet illas in primis domi quidem, non in Gymnasiorum ergastulis, quemadmodum apud Gallos



## DE STUDIO LIBERALI. 45

Gallos præsertim fieri consuevit addiscere; ut  
propterea longè melius ab Italis, liberorum  
suorum educationi consultum fuisse existimè,  
qui præterquam quod, furentium plerunque  
quorundam Hamillorum inclinationes, hoc  
modo deludunt, sibiq; à publico dedecore præ-  
cauent; hoc etiam insuper lucri faciunt, ut mi-  
nus inficiantur liberi, vitiorum collumie, quæ  
illic tam varie spectantur, quam diuersæ sunt  
eorum, qui in eiusmodi locis simul recluduntur  
naturæ: Præcipue verò cum expulsa iam, aut  
verius extincta, illa maiorum nostrorum pro-  
bitate, qua feroces iuuenum animos, & in om-  
ne vitium procliues, adeò seuerè cohercebant,  
ut Claustris emissi, nimia tantum simplicitate,  
ac morum rusticitate peccare deprehenderen-  
tur, summa quædam, & intolerabilis omninò  
peccandi licentia, eius locum occupet, qua non  
secus ac medicamine præpotenti, vel magico  
carimine, noui studiorum moderatores, abacti s-  
hinc, & inde ex aliorum Scholis discipulos, in  
suas allicere certant, omnia illis præter s- loc-  
cismum in Themate indulgentes: ut non am-  
plius tanti faciendæ sint publicæ exercitiorum  
scholæ, propter æmulationem studiorum; post-  
quam fieri nō potest, quin simul afferant æmu-  
lationem



lationem vitiorum. Domi igitur adolescentem volo, qui parentum exemplo, mores sibi fingat; domesticorum conuictu, solertiam excitet; amicorum colloquijs, libertatem cum loquendi sapienter, & modestè, tùm adeundi ætate prouectiores, aut principes, æqualesvè salutandi, & moribus loci, ac temporis conuenit, accipiat; mercatorum, & artificum familiaritate, res quarum vsu carere non potest, & intueatur, & cognoscat; omnes denique suas actiones ad urbaniores viuendi modum componat. Celeuste in omnibus, & præcurrente, ac honestum, & decorum in singulis præmonstrante, doctissimo simul, ac sapientissimo præceptore; qui ipsum liberali modo, ac nobili prorsus, & generosa methodo, de animi moribus, vitæ officijs, & ingenij dotibus, ac disciplinis, siuè sedens in Museo, siuè obambulans in Horto, siuè vnà, si casus tulerit, iter faciens, familiariter admoneat; sibiq; triplicem hunc finem proponat, vt pari cum doctrina virtute, & morum elegantia instructus, adolescentem quoque suę institutioni commissum, non minus probum efficiat, quam litterarum intelligentē, & urbanum. Iacienda sunt enim in hac ætate fundamenta bene viuendi, non secus ac bene dicendi,



## DE STUDIO LIBERALI. 47

dicendi, & formandus ad virtutem animus, dum tener est, & facilis quamlibet impressionem admittere, quæ ut tunc erit, ita & in vniuersa vita seruabitur: verum quo præceptor huic se muneri felicius accomodaret, vellem hunc Horatii præcepta secutum.

*Aetatis cuiusque notandi sunt tibi mores,*

*Molibusq; decor, naturis dandus & annis.*

Explorasse diligenter, quæ nam sint, ætatis cuiusq; & adolescentiæ præsertim virtutes, ac vitia, vocatis in consilium, aut eiusdem Horatii libro ad Pisones, aut Rhetoricorum Arist. 2. in quibus ipsa non minus docte quam eleganter, & copiosè delineantur; ut despiciere posset si quid ipsi committant, quod sit virtuti alienum, atq; officio, num id ex eo genere crimen sit, quod ad bonum morem corrumpendum valeat, an quod ab ætatis, & adolescentiæ, quasi fermento quodam, fuerit profectum, istud enim leui tantum admonitione indigere videtur, prius vero grauiori aliquantum censura, sed quæ tamen ab omni impetu, violentia, & præcipiti asperitate immunis existat; ne vel ad illiberalem animi timiditatem se abijciant, quæ vires ingenij potissimum eneruat, naturæq; igniculos in pueris extinguit; vel si fuerint  
natura



natura contumaciores, nitantur in aduersum:  
 & vero si rectè cogitamus, cum nemini expedi-  
 at metu contineri in officio, minime omnium  
 conuenit adolefcentibus, quorum præsertim  
 animos ad decus, & ad honestatem cupimus  
 informare. Quamobrem non morosus erit  
 Præceptor, non asper, aut singula curiosius  
 inspectans, vllamvè in partem immittis, aut  
 truculentus, sed facilem, & indulgentem præ-  
 bebit se discipulo, cuncta illi supeditans, quæ,  
 vel honestè, vel vtiliter desiderare potest, siue  
 equis ille oblectetur, seu canes ad venandum  
 appetat, seu libris, aut vestibus capiatur, hæc  
 enim omnia si grauter, atq; magnificè, non  
 per indulgentiam concedantur, mirum quan-  
 tum in animo illius excitabunt, & ad amorem,  
 & ad reuerentiam stimulum; infirmus enim &  
 debilis virtutis custos metus est, & errat longè  
 mea quidem sententia, qui imperium in disci-  
 pulos grauius, & stabilius esse putat, vi quod  
 fit, quam quod amore adiungitur, vt proinde  
 non iniuria quidam dixerit,

*peragit tranquilla potestas*

*Quod violèta nequit, mādāt aq; fortius urget  
 Imperiosa quies.*

Omnino aut legitima cum ingenuis tractandi  
 metho-



# DE STUDIO LIBERALI. 49

methodus hoc requirit, vt studio laudis, & contentur ad officium, incendanturq; amore gloriae, & virtutis, vnde in illis oritur generosa quaedam inuidia, & sine odio de laude, probitateq; contentio. Hoc autem consequi facillimum erit si non perfunctorie exerceantur in historiarum lectione, illustriumq; virorum elogio, aurea prorsus, & magnifica dicendi vbertate, a Paulo Iouio, Sammarthano, Vberto Folicta, & Pignorio litteris consignata frequenter euoluant, in quibus, & stylum ad eloquentiam, acuere poterunt, & animum ad Heroicæ virtutis imaginem componere; nam si P. Scipio, & Q. Fabius, quod omnibus fere generosis mentibus vsu venit, illustrium virorum contemplandis imaginibus excitari se magno pere dicebant, quæ res Themistocli quoque desiderium ingessit, vt Miltiadis honoribus, aliquando posset obstruere, & Iulium quoque Cæsarem visa Alexandri Magni Imagine ad summam rerum accendit; quid consentaneum est euenire cum tot virtutum exempla conspiciant, tot facinora velut oculis ipsis usurpabunt, quæ vel ignauissimos homines possent ad virtutem inflammare. At verò cum bene, præclaræq; viuendi constituta ratio nunquam

D

eo per



eo per se attingere possit, vt ex humanioribus litteris, plurimum non modo ornamenti, sed etiam incrementi non recipiat; cū ab Agellio humanitas ipsa non solum dicatur esse philanthropia, & insitus in hominem natura amor, sed etiam *παιδεία*, siue institutio, qua reddimur ciuiliores ad societatem publicam, harum præsertim humaniorum scientiarum ope, quæ iam communi modo loquendi complectuntur quid quid pueri discunt post grammaticam ad maturius vsque philosophiæ studium; rationi proinde consentaneum esse videtur, & syntagmatis ipsius methodo, vt absoluta iam, quæ de moribus est, & communibus ad rectè docendum præceptis tractatione, ad eam nunc deueniamus, quæ de studiorum ordine, ac progressu tractare debet. Enimuero vis diuina animæ nostræ, quæ rerum scientias, & formas capescit, quæq; ingenium dicitur Philoni Iudeo; & quam ex Seneca, qui certo ordine, methodoq; exercent, scientes; qui sublimius indagant, ingeniosi; qui sapientius, iudicio præstantes; qui altius, memoriōsi, qui perfectius, docti; qui vtilius, sapientes appellantur; hoc inquam ingenium hominis cum multis scientijs ornare se possit, vt philosophia, Mathematica



## DE STUDIO LIBERALI. 51

thematicis, Theologia, Iuris prudentia, & similibus tum maxime una, quæ Humanitas dicitur est, quæ fundamentum aliarum, unde homines humaniores, cultioresq; fiunt. Hæc verò non adco angustis ex se finibus circumscribitur, quemadmodum in scholis receptum est ipsam definire, sed decem partes comprehendit, videlicet, linguarum notitiam Latine præsertim & Græcæ, (nam Hæbraicam, Caldaicam, Syriacam, Arabicam, magis amant Theologi,) eloquentiam, Poeticam, Geographiam, Chronologiam, Historiam, Antiquitates, Fabulas, & Criticam, siuè librorum censuram; de quibus pauca figillatim, præcipienda sunt. Et quidem quantum ad linguarum studium pertinet, duplex illud esse statuo; Ciuile vnum, seu maus politicum, Gallicæ, Germanicæ, Hispanicæ, vel aliarum, quæ nunc inter præcipuas Europæ nationes vsurpantur, peregrinationibus, tractandisq; vel proprijs, vel aliorum negocijs, haud mediocriter utile, quod extra scholas commodè addiscitur. Epistemonicum aliud earum omnium, quæ ad scientiam faciunt, inter quas latinæ, quod iam dixi, & Græcæ cura præcipuè habenda est. Sed quo ipsa liberalis tandem esse incipiat, duo

D 2

præce-



præceptor, ac totidem discipulis seruanda propono. Primum quidem, & grammaticæ regulis, quæ breuissimæ semper esse debent, familiares discursus, & colloquia ad ipsarum praxim intermisceantur; auctorumq; lectio statim accedat, quorum interpretationi, Neoprolemus noster collectis ingenij sui viribus primū inludabit; memoriam per certas voces, & phrasas, quas sibi iam familiares fecerit reflectens; imaginationem per ipsarum inflectiones, formationes, deriuationes, sollicitans; iudicium denique in apposita, & eleganti constructione exercens; vt hoc modo tanquam sibi met ipsi præceptor exultat, & omnia illa, quæ difficilior quidem perceperit, quam si præmanfa in os ipsi à præceptore iniecta fuissent, melius, ac fidelius mente, animoq; conseruet, atque etiam alijs postea difficultatibus enodandis, paulatim assuescat, & sine cortice in alueis profundioribus natat. Alterum, vt Præceptor illi sensim instillet, & aperiat Historiam eius linguæ, cui percipiendæ totus incumbit, quo videlicet tempore, & vbi nam gentium incæperit, quam latè se, & quibus modis diffuderit, quot mutationes, alterationesvè diuersis ætatibus sustinuerit, singulaq; rudiori Mi-

nerua,



# DE STUDIO LIBERALI. 53

nerua, aut acuratè magis, prout ingenium discipuli cognouerit, explicet. Vt si v. g. latinæ occasione, quæ prior se offert, nullam hanc ante Remuli, & Remi tempora fuisse insinuet, quæ tunc inter pastores ex lingua Græca, & Hetrusca coalescens, sub septem Regibus Romanorum infans fuit, deinde sub Consulibus usque ad Catonem Censorium, quasi in pueritia rudior adhuc, vt patet in legibus duodecim tabularum; tum sub Catone adoleuit, & vegetior facta est; postea ad ætatem Ciceronis translata, vigorem quasi virilitatis obtinuit, per Crassos, Antonios, Cicerones, Hortensios, aliosq; vt narrat Tullius lib. de clar. ora. & in oratore perfecto; tum sub Augusto senuit, virilior tamen adhuc, Augustus enim per quam latine locutus est, referente Suetonio in eius vita; deinde paulatim caput declinare, ab eius siquidem puritate deflexerunt, Liuius, Tacitus, Plinius, & multo magis, Tertulianus, Arnobius, Sydonius, Symachus, & similes, donec omninò extincta est, circa annum Christi sexcentesium; ab illo enim tempore, usq; ad præteritum sæculum, quo capta Constantino-  
poli à Muhamede secundo, cæpit primum in Italia cum Græcis, & humanioribus litteris

D 3

reuiu-



reuiuiscere per Politianos, Vallas Hermolaos,  
 Pontanos, Pogios, non nisi mera barbaries do-  
 minata est in scholis, quemadmodum fuisse do-  
 cuimus in additamento nostro ad Historiam  
 Ludouici XI. Hæc enim omnia licet vix capiat  
 tenera mens, & nondum sufficienter de multis  
 ad istorum intelligentiam pertinentibus infor-  
 mata, vehementer tamen ipsam delectant, &  
 sementem in ea faciunt, quæ continua postmo-  
 dum eruditionis accessione, in copiosum, ac  
 vberem fructum facile euadat: Quæ verò di-  
 scipulum præstare oportet ea sunt, vt præter  
 affectum, & laborem in addiscendo, modum  
 etiam suæ eruditioni afferat, duas velut syrtes  
 declinando, ad quas plerunq; allidere solent,  
 qui se totos linguarum eruditioni deuouent:  
 nunquam ad scientias, quarum ipsæ fores ap-  
 periunt, penetrantes, dum ingratissimo labo-  
 re iter reliquis preparant circa dictiones, ac vo-  
 culas occupati; vnde postea in hoc alterum  
 amentia genus facile delabuntur, vt ex detor-  
 tis, aut verius corruptis, & deprauatis vocibus  
 linguæ cuiusdam primariae, quam sibi fingunt  
 ad libitum, reliquarum omnium linguarum ori-  
 gines deducere velint, non minus ridendo co-  
 natu, quam si panis ethymologiam à Greco  
 nomine



## DE STUDIO LIBERALI. 55

nomine ~~ap~~ <sup>pro</sup> mutando pa, in ap, & nis in ros, repetere vellem, quod tamen quidam ipsorum post explosas, & irrisas Goropij, Becani, meras, ac Cimmerias fabulas facere non erubuit; ne in rebus serijs non tam nugari videretur, quam prorsus desipere. Linguarum rudimenta sequitur eloquentiæ, & poetices methodus, aut potius ratio styli in vtraque facultate liberaliter efformandi, ac prioris quidem maior omnino cura, & sollicitudo habenda est, quoniam licet in rebus grauissimis termè semper vsurpetur; nihilominus quæ soluta oratione dicuntur, nisi verborum nitore, lenocinijsq;, & mirifico apparatu exculta sint, non absq; negligentia audiri consueuerunt, languidijsq; in animum auditoris penetrare; vbi vero accessere numeri, & egregium sensum astrinxere certi pedes, eadem illa sententia, velut per se mobilis, aut excussa lacerto potentius torquetur, & iucunda mulcedine sic auditorum mentes titillat, vt per illorum aures non secus ac gemma per digitos molliter fluat, & non impactu vngue perlabatur. Non multa tamen de eloquentiæ præceptis à me hic afferenda sunt; cum post Ciceronem, & Quintilianum non desinit infiniti, quod ad eloquentiam ituris viam fecerint,



fecerint, & de perfecto oratore dixerint graui-  
ter, & copiose; Ego vero nihil addere velim,  
nec istius, nec alterius facultatis communibus  
regulis, sed ea tantum proponere, quæ anti-  
quam Musarum asperitatem vrbaniore cultu  
temperare possint, studiosorumque diuitias,  
quæ plerunq; inutiles latent vsibus, ac vitæ of-  
ficijs accommodare. Et quidem hoc mihi pri-  
mum peccare videntur adolescentes, quod sty-  
lum suum oratorum imitatione circumscribunt,  
cum eloquentiam omnem vnius Rhetoricæ  
præceptis, quæ docet rectè, & appositè dicere  
ad persuadendum, latius non extendi sibi per-  
suadent, cum tamen ista per quatuor styli dif-  
ferentias diffundatur; sermonem quidem pu-  
rum, tersum, ac castigatum in omnibus illis  
requirens; sed in oratorio tamen sublimiorem,  
& magis ad numeros aptum, & compositum,  
qualis depræhenditur in Cicerone, Plinio iu-  
niore, Mureto, Perpigniano, & similibus; in  
Historico puriorem, & apertiore, quem fe-  
liciter expresserunt Salustius, Liuius, Q. Cur-  
tius, & nostro tempore, Iouius, Bembus, Mas-  
saus, & alij, quorum propriam laudem quili-  
bet est assecutus; in Epistolico lepidiorem fa-  
ciliorem, & per angustias aliquando luctantē,  
& præci-



# DE STUDIO LIBERALI. 57

& præcifum, cuius exemplum non aliunde melius, quam ex Cicerone, Plinio iuniori, ac Politiano petendum est; in Didascalico denique simpliciore, apertiore, & magis familiarẽ, ac domesticum, quo præsertim commendantur Agellius, Plinius, & omnes, qui philosophica scripserunt, vt Seneca: At verò tantum abest, vt istorum notitiam, & exercitationem adolēscētes in scholis consequantur, quamuis ipsorum vsus longè nobilior sit, ac frequentius occurrat, quam frigide cuiusdam declamationis, quod nec orationem, nec Chriam quidem cōponere possunt, nisi accepta prius à præceptore rudi, & indigesta materia, quæ demum sic ingeniosè versari non potest, aut fingi quin macie, & languore quodam opprimatur, proprio sanguine, & viuiddiori colore destituta; vnde postea tanquam confectarium sequitur, quod tertio loco monendum esse duxi, vt nec decorum seruare possint, nec orationem vnicuique rei quam tractant conuenientem vsurpare; maxima quæquæ, & grandia humili stylo deprimentes, aut vilia, & abiecta nobilioribus verbis efferentes, quod non tam eruditionis vitium est, quàm iudicij,

*Nam magna numina Roma*

*Non*



*Non ita cantari debent, ut ouile Menalca.*

Ad Poeticam, quod attinet ipsa videtur primo quidem aspectu, nec vehementi applicatione animi, nec regulis indigere; cum poetam natura ipsa valere, & vi mentis excitati, & quasi diuino quodam spiritu inflammari summorum eruditissimorumq; virorum Platonis, Ciceronis, Originis, & aliorum constans sit opinio, multis etiam rationibus confirmata; Verum si ita se res habet, ne tu Aristoteles stultè admodum fecisti, nã tu Horati, Casteluëtre, Petriti, Mazzoni, Minturne, Scaliger, Heinfi, Casaubone, Galuti, Vida, parum prudenter; ne vos omnes Galli, & Itali omninò inconsultè; dum adeò subtilitè, & curiosè de versuum legibus, poematum differentiis; & totius poetices apparatu disputaſtis; Sed bene est, quod hic error a Platonis vsque tempore per scholas propagatus, inter illos referendus sit, qui opinione magis quam experientia, vel ratione vigent ac sustentantur: Audientem igitur se præbeat adolescens eorum præceptis, qui de metrorũ elegantia sobriè potius, quam acutè disputa- runt, & poetarum omnium lectioni, se dedat, quos iniuria temporum, reliquos nobis fecit ex antiquorum naufragio, quia præterquamquod  
nullus



# DE STUDIO LIBERALI. 59

nullus ipsorum, non elegantius, ac latine ma-  
 gis locutus est, quam hesternorum laureatę pha-  
 langes, varia etiam ex multis summa cum ani-  
 mi iucunditate, & facilitate addiscet, quę ad  
 vsum, & manum quotidie opportuna accidere  
 possunt, & lectione varia, ac multiplici rectę iu-  
 dicandi vim, prudentiamq; omnium virtutum  
 exemplis confirmare; Neque enim ipsi vtilēs  
 tantum depræhendunt (quod multi falso sibi  
 persuaserunt) ad locupletandam latinam ora-  
 tionem, & varietatem sermonis, descriptionēq;  
 affectuum; sed mirum est quantum roboris ac-  
 cedat animo, ex diligenti meditatione eorum  
 de quibus sibi tractandum proposuerunt; nam,  
 amabo te Fabrici, non ne promptum est vni-  
 cuiq; animum ad ea, quę legit aliquoties refle-  
 ctenti, ex Virgilio, Lucano, Siluio præclare  
 factorum exempla, Heroumq; mores, quos  
 postea imitari possit animo concipere; Ex Ho-  
 ratio, Iuuenale, Persio Scelestorum poenas,  
 lurconum infamiam, feneratorum vota, frau-  
 des, ac nequitias hominum depræhendere si-  
 mul, ac detestari; In Plauto, & Terentio iu-  
 uenum impetus, senum auaritiam, meretricū  
 technas, lenonum artes, parasitorum ingluuiē,  
 mercatorum, institorum, seruorum, ac ferme  
 omnis



omnis generis personarum naturam, ac propē-  
 siones, velut in speculo intueri; Ex Seneca, &  
 Euripide magnis regnorum mutationibus gē-  
 tium ruinis, calamitosis principum, cætera-  
 rumq; rerum euentibus, non assuescere modo,  
 sed intrepidus occurrere; denique, vt à Mar-  
 tiale sensum verborum, & acumen sententiarū,  
 & nonnunquam etiam pungentes aculeos mu-  
 tuari, sic ab Ouidio, Tibullo, Propertio, Ca-  
 tullo, sermonis delicias; Veneres, venustatesq;  
 usurpare, quibus actiones, vitam, moresq; su-  
 os ad cultum elegantiam, facetias, & vrbanita-  
 tes componat; vt cum plura, ac diuersa gene-  
 ra Poetarum habeantur, quod in oratoribus  
 fortasse non ita est, nullus tamen reperiat in  
 tam festiua copia, ex quo non solum egregia  
 utilitas, sed maxima quoque non percipiat  
 delectatio. Sequuntur tres aliæ humanitatis  
 partes Geographia, Chronologia, & Historia,  
 sic mutuo inter se connexæ, & colligatæ vincu-  
 lo, vt qui ipsas diducere velit, & separatim ex-  
 plicare, non modo negotij vim paret maximā,  
 sed à sapientissimorum hominum placitis lon-  
 ge declinet, qui omnem historiæ dignitatem,  
 & præstantiam, tribus potissimum signis viden-  
 tur æstimare, nimirum, vt vera sit, nulliusque  
 adula;



## DE STUDIO LIBERALI. 61

adulationis fuco colorata, vt Corographiam  
loci in quo gesta est acuratè repræsentet, atq;  
etiam tempus cui cum scribat proprium, quare  
consentaneum est etiam arbitrari vniuersalis  
historiæ Synopsim, quæ res ab omni æuo, &  
vbique locorum gestas cōpræhendit, non pos-  
se ab adolescentibus planè, & integrè percipi,  
nisi ipsius temporis ordinem, differentiamq;  
annorum, & mensium, ac locorum omnium,  
seu maius regionum descriptionem simul com-  
plectatur, contineatq; vnà quidquid adiuuen-  
ti recipere potest ex reliquis historiæ speci-  
ebus, Ciuilis videlicet, Ecclesiasticæ, & Na-  
turalis; quarum omnium is fructus esse debet,  
ea primum vtilitas, vt nobis auctoritatem apud  
homines concilient, opinionemq; sapientiæ;  
nam si senes idcirco prudentiores iudicamus,  
eosq; libenter audimus, qui per longam vitam,  
& in se multa experti sunt, & in alijs pleraq; vi-  
derunt, atq; audiuerunt, quid de ijs censendū  
est, qui multorum sæculorum res cognitu di-  
gnas memoriter norunt, & ad omnem casum  
proferre aliquod exemplum illustre possunt.  
Secunda vero, vt non modo opinione, sed re  
vera prudentiores efficiamur, & normam vitæ  
componamus inter omnes errores, omniaque  
pericula



pericula tuto dirigendæ; etenim cum prudentia nostra nihil aliud sit, quam euentorum obseruatio, rerumq; præsentium, ac futurarum scientia, ex præteritis tanquam ex fonte deriuata, hoc ex vniuerso litterarum genere, vel sola, vel certè maximè præstat historia, quæ non alia sanè de causa vocatur à Cicerone *testis temporum, lux veritatis, vita memoria, veritatis nuntia, & magistra vite*. At præter iam enumeratas historiæ species, quarta adhuc superest antiquitatum propria, cuius largiori hauustu perfusi, hoc primum obtinent, vt eruditi censeantur, deinde vero, vt eruditorum etiam principes, si suppetias, accesserit Critice; de qua nonnulla quoque mihi dicenda essent, nisi satius haberem adolescenti consulere, vt ab hac scabie vngues in totum abstineret, quæ si ab ingenijs mediocribus, & patellarijs tractetur, auctores optimos plerunque corrumpit, & deprauat: Sin à maioribus Dijs, ipsos omnino immutat, & alijs verbis alio plerunque sensu loquentes inducit: Sed vt ad Historiam eruditam reuertamur, ipsa non adeo longe patet quæ admodum Politica, vel naturalis, verum angustis quatuor regnorû finibus terminatur, Ægyptiorum, Persarum, Græcorum, & Romanorû, Hebræ-



## DE STUDIO LIBERALI. 63.

Hebræorum enim Chaldæorum, ac Syrorum antiquitates potius ad Theologos pertinent, reliquarum autem nationum ritus, & formulæ, vix tanti habentur, vt ad his meliora festinantes debeant retardare. Ac de Ægyptiorum quidem antiquitatibus fermè est, vt dicam vix vmbra tenuis famam ad nos peruenire, cum euentilata pridem à doctis, Annij Viterbienfis, qui nobis pseudo Berosum obtrudere conatus est impudentia pauca tantum supersint, apud Plutarchum, Horum Apollinem, Iamblichum, Calcagninum, & alios, de eorum sacris mystica doctrina, & Regum, ac rerum interrupta successione. Verum hæc penuria generosos tandem conatus excitauit doctissimi, ac in rerum omnium inuestigatione, quæ studiosos antiquitatis beare solent versatissimi Claudij, Mennerierij, vt ex ipsorum numismatis, quæ incredibili prorsus diligentia conquisiuit, tot res deperditas, & profunda nocte sepultas erueret, felici ductu, & auspicijs Eminentissimi sui Cardinalis Francisci Barberini; cuius, vt votum semper fuit, sic studium nunc est, viros eruditos singulari beneuolentia complecti, & augustissima liberalitate quo se cumq; ferunt vehementius impellere. Persarum etiam vix quid-



quidquam habemus quod non acceptum ferri  
 debeat labori, ac diligentiae Praefidis meliori  
 fato digni Barnabę Briffonii; qui inter tot alia  
 excellentis doctrinae suae monumenta, collectio  
 nes quoque de Regno Persarum nunquam non  
 summopere magni faciendas nobis reliquit;  
 Sed viciniore Græci, & Romani, non habent  
 omnino, quod de nostrorum negligentia con-  
 queri possint, quandoquidem sic notas habe-  
 mus eorum antiquitates, sic explorata rudera,  
 templo, porticus, palatia, thermas, amphithe-  
 atra, numismata, statuas, sepulchra; Sic per-  
 spectas, & acuratè descriptas venationes, co-  
 messationes, ludos conuentus, fastos, ritus sa-  
 eros, profanos, formulas, nec mentiar si dixe-  
 rim scortationes, & libidinum secreta; ut si  
 ambæ istæ nationes quondam orbis dominæ  
 semel ad pristinum decus reuiuiscerent, se à no-  
 bis doctrina saltem, & labore fuisse superatas  
 fateri cogerentur. Superfunt tandem Fabulę  
 quarum magna est cum poesi affinitas, sed nul-  
 la cum veritate; veritas enim nihil profert, nisi  
 quod verum, & exploratum est; Poesis figmen-  
 tis delectatur, & auctoritatem sibi quærit ex  
 mendacio: atque omnino necessarium est, ut res  
 omnes de quibus instituitur narratio, vno ex  
 istis



## DE STUDIO LIBERALI. 65

istis tribus modis in medium proferantur, nimirum historicè, aut poeticè, aut fabulosè: Fabularum autem non vnà assignari potest distinctio; quædam enim multum humiles sunt, simplici narratione, facili exemplo breui sententia: quarum antiquissimus auctor Æsopus, nō mediocriter commendatus venit a grauissimis scriptoribus Platone, Liuiο, Plinio, Horatio, Aristotele, Plutarcho, Iustino, Macrobio, Phædro, & alijs; qui eius inuenta ad mores formando non illepidè transtulerunt, licet humi ferme repentia: in quo fecere prorsus quod aurifices, dum ferro, & vili puluere aurum, atque adamantem expoliunt: quædam aliæ sublimius feruntur, Theologorumq; mysteria peruadunt, philosophorum arcana penetrant, & non nisi grauissimis se rebus immiscet ab Homero, Platone, Orphæo, Hesiodo, Heraclide, Porphyrio, Proclo, & inuentę sapienter, & frequenter vsurpatæ. Itaq; nulla est istarum artium, quæ quidem liberales sunt, & ingenuo homine dignæ existimantur, non suscipienda adolescenti, vt per laborum gradus sapientiæ præceptis animum componat, & conciliata sibi ancillarum beneuolentia ad Penelopem, hoc est Reginam omnium scientiarum philosophiam,



sophiam, non tanquam nouus Mystes, aut Semipaganus, accedat; sed animo rerum omnium capaci, & moribus ad omne officium, & decorum, effectis probè à natura instructus. Philosophiæ verò partes, quibus se totum applicare debet, tres tantum ab emendatissimi iudicij hominibus Laertio, Cicerone, Lactantio, Diuo Augustino, alijsq; propositas inuenio; nempe vnā, quæ de vita, & moribus, alteram, quæ de natura, & rebus occultis, tertiā, quæ rectè differendo absoluitur, & quid verum quid falsum; quid rectum in oratione, quid prauum; quid consentiens, quid repugnet iudicando, quamuis res occultas, & naturæ obscuritatem, ad ea, quæ panè extrā naturam sunt accomodantes, methaphysicam illis quoque partibus adiunxisse videri possint, vt quantum in semetipsum potestate situm esset; tantum ipsi ad rerum altissimarum cognitionem contenderent, & naturali sua beatitudine, quæ in Dei contemplatione consistit fruerentur; Vnde etiam factum est, vt hæc postrema philosophiæ pars ἀποτέλεσμα Theologiæ comprehendat, quemadmodum Physica Medicinæ, ac Moralis disciplina Iurisprudentiæ. Vt proinde dubium esse non possit, quin mens nostra dum

vnius



## DE STUDIO LIBERALI. 67

vnus Philosophiæ lumine velut cælesti quodam radio illustratur splendorem recipiat, quo postmodum tanquam imprægnata, neque numero scientiarum, quas concipit, apprehenditq; vincatur, neque amplitudine, & mole opprimatur, nec tenuitate, acumineq; frustretur: sed non prorsus aliter quam oculi natura vegeti, & perspicaces, facili, leuiq; conuersu, in quâ secumq; dederint partem celeriter omnia, & sine labore contuentur, sic illa probè quidem philosophiæ studijs instituta, perspicax efficitur ad omnia comprehendenda, quorum investigationi se voluerit addicere, neq; verò ea repetere hic opus est, quæ de philosophiæ cursu per singulas eiusmodi partes, rectè, ac methodicè absoluendo Foxius & Nunnus ambo compositæ, ac sedatæ mentis Hispani præcepere, cum & ipsorum libri nullo negotio haberi possint, & ab instituto nostro alienum sit quidquâ in medium afferre, quod identidem ex aliorum monumentis haberi possit. Quare vnum tantum, aut alterum moneo, quæ istis præsertim temporibus summopere esse necessaria nullus, vt opinor ibit inficias, qui propiùs in rem ipsâ inspexerit. Et vero primum est, vt confusionis deuitandæ gratia, quam nuper introducere,

E 3

qui,



qui, vel proprio suo Marte, vel ex antiquorum  
principijs philosophati sunt, vnus tantum Ari-  
stotelis vestigijs insistamus, primum philoso-  
phiæ lac, non tam ex ipsius, quam naturæ, quæ  
eo interpretæ vltima est fecundissimis vberibus  
sugentes, donec grandiores facti, & pileo, ac  
libertate donati, quid in reliquis philosopho-  
rum scholis veritati magis consentaneum re-  
periatur dispicere possimus. In Philosophia  
siquidem non secus ac in militia, sub alicuius  
auspicijs prius dimicandum est, quam ad ordi-  
nes ducendos accedendum; & in vnoquoq; re-  
rum, ac scientiarum genere, primum aliquod  
semper esse debet, quod sit postea modus, &  
regula cæterorum. Verum quoniam vsus ab  
Ruscellini, & Abailardi sæculo ad hæc vsque  
tempora sic inualuit, vt statim ac a dolentes  
Dialecticæ limina salutarunt commitantur in-  
ter se, depugnentq; ad raurum magno syllogis-  
morum apparatu, vndecumque illum habere  
possint obstinate conquisito; inde etiam fit, vt  
non modo pertinaces, sed penè cæcutientes  
euadant, & ad vnus veritatis indagationem  
prorsus inepti. Quo fit vt summæ huic, & pro-  
pemodum luctuosæ adolescentum calamitati  
diligenter occurrendum sit, vt potè qua nulla  
grauior



## DE STUDIO LIBERALI. 69

grauior excogitari potest, nulla rusticitati pro-  
 prior, aut qua magis homines videantur ad be-  
 stias accedere, sanè cum nihil in Aristotele, aut  
 antiquis eius interpretibus reperiatur, quod  
 huiusmodi vitio sit affine, profecto fatendum  
 est illud, inuentum fuisse quorundam hominū,  
 quibus à Schola, in qua perpetuo versabantur,  
 morumq; asperitate, & corporis imbalnitie,  
 Scholasticorum nomen, nec iniuria videmus  
 fuisse impositum. Ipsi enim cum acri ingenio  
 pollerent, nec se in humanioribus litteris, aut  
 historia naturali, vel politica, præ summa, quæ  
 tunc temporis vigeat barbarie exercere pos-  
 sent, ex non magno materiæ stamine; sed ma-  
 xima spiritus, quasi radij agitatione, operosis-  
 simas illas telas, quæ in libris eorum extant cō-  
 fecerunt. Etenim mens humana, dum in ma-  
 teriam aliquam agit naturam rerum, vel opera  
 Dei contemplando, tunc pro modo materiæ  
 operatur, atq; determinatur, sin verò ipsa in se  
 conuertatur, tanquam aranea texens telam,  
 tū demū interminata est, & parit telas quas-  
 dam doctrinæ, tenuitate quidem fili, operisq;  
 subtilitate admirabiles, verum, quæ sint pror-  
 sus inanes, & sapientum cachinnis, ac ludibrio  
 expositæ: Sed vndecumq; tandem ista philo-  
 sophiæ



sophiæ pernicies ortum duxerit, quæ sua contagione magnam olim partem Europæ infecerat, haud multum referre existimo, quandoquidem ipsa iam desijt, tam impotenter grassari, desinetq; omnino, hac præsertim ætate, quæ virtute magis, quam vlla præcedentium amica est, & crescente in dies hominum sapientia, à quibus hoc demum non erit difficile consequi, vt reiectis vanis speculationibus, & quidquid inane, ac sterile est, illud tantum conseruetur, quod est solidum, ac vtile, vt hoc pacto philosophia non sit apud nos instar cuiusdam scorti, quò ad voluptatis illecebras abutamur, aut tanquam ancilla turpibus officijs mancipata, sed potius, sociæ, ac fidelis sponsæ locum sibi vendicet, ad generationem fructuum, & solatium vitæ tranquillioris, ac beatæ.

**E** Nimvero postquam huc peruecti sumus, Fabrici Comes, vt de illis artibus vberissime iam dictum sit, quarum præceptionibus instructi, & penitus informati esse debent, quicumque ad alia vitæ studia, deinde se conuertunt, siuè illi ius Ciuile voluerint exequi, siuè Reipublicæ curam, siuè quamcumque aliam artem, sectamvè earum, quæ cum honore, &  
laude



# DE STUDIO LIBERALI. 71

laude suscipiuntur: Equidem hoc nonnullis consentaneum videri posse non diffido, ut animum tibi faciam, ad quidquid est in ipsis molestiae, & difficultatis fortiter superandum, & sanè lubentissime te ad hoc vnum exhortarer, nisi iam istud abundè satis praestitissem, in superiori parte istius syntagmatis, aut tu ipse laboris, ac studiorum improbitate non huc deuenisses, vnde tibi facilius est in Heroicas, ac te ipso, & maioribus tuis dignas virtutes intueri, quam ad humile grammaticorum Triuium oculos iterum referres; & vero, cum omnes homines animum praeclaris actionibus intendere convenientissimum sit, tum verò illos in primis hoc decet maximè, qui celsiore loco nati non aliter possunt, fortunam, & gradum dignitatis, quam obtinent conuenienter sustinere; æquū siquidem est, qui sibi summa omnia deberi volunt, eos debere, & summa omnia de se præstare: nec est vlla certior, aut stabilior eximie cuius potestatis acquirendæ ratio, quam si quis talem ambit, ac desiderat, ea dignissimus omnium iudicio censeatur. Quamobrem, Fabrici Comes, cum tibi nasci contigerit ex ea familia, in qua semper verus honos, & splendor virtutis enituit, totaq; spes, & ratio domus tuæ, per littera-



litterarum, armorumq; munia ad amplioris  
gloriae decus promouenda, in generosissimo  
tuo Fratre Comite Lodouico, necnon in te ip-  
so inclinata recumbat; Ille vero gloriam sibi  
quærat in periculis, & inter externos armorum  
strepitus præclare, ac fortiter se gerens, ado-  
lescat; tot Guidiorum nomen, quibus ab infi-  
gni ferocia, & militari robore Guerra cognom-  
mentum superadditum est, necnon Excellen-  
tissimi Patris Nicolai Marchionis a Montebel-  
lo exemplum continuo præ oculis habens. Tu-  
um est profectò, Fabrici Comes, ad hanc trā-  
quillioris vitæ Spartam, quæ tibi exornanda  
relinquitur sic pro tua virili te componere,  
adeoq; prudenter litterarum suppetias in id  
vnum aduocare, vt libertatem videantur inge-  
nio tuo attulisse, non seruitutem; & lumen, nō  
tenebras infundisse; Quod dum moneo, timeo  
vehementer, ne parum considerate faciam, qui  
longum iter, & tot præceptis munitum tibi  
subindicare aggrediar, cum aliud tibi non de-  
sit, longè breuius, & magis expeditum, si tibi  
in Heroicæ, ac omnibus numeris absolutæ vir-  
tutis exemplar proposueris, Eminentissimū  
Cardinalis à Balneo Patruī tui vitam, per om-  
nes dignitatum gradus felicissime transactam,  
mores



## DE STUDIO LIBERALI. 73

mores incredibili prorsus amœnitate, & gratia  
 temperatos, animum denique sic præclaris na-  
 turæ dōribus excultum, sic liberalibus studiis  
 instructum, & altioris sapientiæ documentis  
 exornatum, ut hunc, velut Titum Imperatorem,  
 non vnius modo, aut alterius nationis amorē,  
 sed totius orbis delicias haud iniuria possim  
 nuncupare. Veruntamen sicut nobis difficile  
 admodum est lumen Solis, affatim, & ex im-  
 prouiso irruens inconniuentibus oculis aspice-  
 re, ita quoque non adeo delirus sum, ut igno-  
 rem tibi arduum omnino fore, tot virtutes spe-  
 cie ipsa præstantes, & numero propemodum  
 infinitas, quas ille secum familiæ tuæ intulit,  
 simul intueri, & deprehendere: Quare interez-  
 dum in ipsarum familiaritatem paulatim descē-  
 das, vellem te, Fabrici Comes, ad ea mentem  
 aduertere, de quibus non quidem in prima,  
 sed in altera tantum huius syntagmatis parte,  
 sermonem mihi instituendum esse duxi, Quo-  
 niam illa delectu maxime, atq; iudicio vigere  
 deprehenduntur, quæ duæ res non ita frequen-  
 ter solent in adolescentibus inueniri; deinde  
 verò, quia lectio varia, & multiplex, cui se po-  
 tissimum applicant toto illo tempore, quo per  
 liberales disciplinas libere vagantur, iudican-  
 di vim



di vim, prudentiamq; non minimum confir-  
mat, vt ex multis circum se se offerentibus, il-  
lud præ cæteris eligat, quod maxime videtur  
commodum, quod quidem fieri omnino sine  
cõparatione plurium non potest, cum alio-  
quin si in vno dumtaxat genere versetur, nec  
habeat qui cum quod comparet, non delectu  
vllõ ad id se applicuisse etiam si sit optimum.  
Sed casu, & fortuna in illud solum incidisse vi-  
deatur. Vt omittam quod adolescentiæ pro-  
prium est ingenio vigere, & eis armis, eoq; cul-  
tu, & comitatu rerum, per studiorum labores  
exornari, vt cum maturum fuerit, acutè queat,  
& rectè facultatem illam probandi, & adsciscē-  
di potiora, in reliquis vitæ actionibus sapien-  
tèr vsurpare. Et verò illa potissimum est, ad  
quam te voco, Fabrici Comes, & ad quam, si  
non testudineo, quod aiunt, sed grallatorio  
passu peruenire cupis, postquam ijs abunde re-  
bus, & adiumentis munitus es, quæ vel à natu-  
ra desiderari possunt, vel ab educatione obti-  
neri; nihil debes in primis humile cogitare, ni-  
hil angustum, nihil obscurum, aut inane; sed  
quemadmodum antequam dies se se dilatat,  
magisq; diluceat, solet Aurora antegredi, quæ  
& aurum ostentat suum, & leni quodam flatu  
aerem



## DE STUDIO LIBERALI. 75

aerem ipsum afficit, sic in ætatis tuæ aurora constitutus, quis sit eius meridies, & quæ adulta ætas futura, vel hoc vno egregiè potes ostendere, si excelsa petat animus tuus, si ampla, & illustria, plenaq; dignitatis, & gloriæ, quo te prima pueritia præceptorum vox incitavit, quo te pater tuus, cuius ad te vota, cogitationesq; referuntur omnes, assidue cohortatur, quo denique te vocant, maiorum tuorum exempla, quorum nomina nulla dies exstinguet, nulla obscurabit obliuio. Hoc autem absq; litterarum auxilio cogitare non modo tibi arduum, & difficile, verum etiam omnino impossibile est, quando hanc vitæ rationem ingredi meditaris, & illud exercitij genus complecti, quod est totum in laudabili ratione, totum in præclaris cogitationibus, & liberali scientiarum palestra constitutum. Quamobrem non prætermisi in superioribus, singula in medium adducere, quibus te velis, & remis, omniq; nixu, & conatu, ad eruditionis, & doctrinæ fontes ocys impellerem; atque hoc vnum tibi in præsentia persuadere non cesso, vt quando per tempus, & occasionem, licet totum te in ipsorum fluentia, ac latices immergas, quo tandem istis velut adolescentiæ super astris eluctatus, habitum hunc



hunc in toto vitæ decursu retineas, qui tibi vi-  
 am non modo paret, ac muniat, ad Theologiæ,  
 vel Iurisprudentiæ penetralia, sed omnes tuas  
 actiones, ac delatos honores, non mediocri  
 gratia perfundat, & illustret. Et quoniam ad  
 hoc primum à Natura formamur, & fingimur,  
 ut quæ nobis necessaria sunt, nostra sponte per-  
 quiramus, deinde verò quæ laudabilia, & ad  
 benè, beatèq; viuendum requisita existiman-  
 tur per nos etiam inuestigemus; debes hoc vnū  
 studiosè in primis præstare, Fabrici Comes, ut  
 quæ tibi necessaria sunt litterarum adiumenta,  
 maturè percipias; quo deinceps possis præstā-  
 tiori modo magnarū dignitatum munia susti-  
 nere, quæ nunquam rectè, ac legitimè possunt,  
 nisi à doctissimis iuxta, & nobilissimis homini-  
 bus administrari; Non enim si quis humili for-  
 tuna scientijs animum excoluerit, quamuis om-  
 nium virtutum intelligentia sit ornatus, æquè  
 tamen eas virtutes exercere poterit, ut summo  
 loco natus, cui iam natura subditas mentes ac-  
 commodat, & auctoritatem tribuit ex stemma-  
 te: quare postquam te sat diū in scholarū vm-  
 bra exercueris, & tyrocinio præfinitum tempus  
 absolueris, assumendæ tibi sunt cogitationes  
 æquales antiquissimæ Guidiorum nobilitati, &  
 amotis



## DE STUDIO LIBERALI. 77

amotis grammaticationibus, quæ mediocres, ac plebeios homines decent; ea tantum in votis habenda sunt, quæ pulmo animæ prælargus anhelet, quæq; memoria posteritatis, & fama seculorum nepotibus tuis in exemplum summæ fortitudinis, summæq; virtutis, & fortunæ proponat. Enimverò, quoties in litterarum, ac scientiarum naturam penitus descendo, ea profecto mihi videtur non talis esse, qualem ipsi tantum litterati, qui philautia maximè ducuntur nobis repræsentare conati sunt, dum ex omnibus rebus humanis nihil ipsa doctrina præstantius, nihil admirabilius, aut quod magis hominem beare possit, vel immortalem efficere suis in declamationibus quotidie personant, Ego vero, qui me nunquam irretiri permitto famosis multorum opinionibus, quas plerumque fuitiles, ac erroneas depræhendi, nec populum sequor pessimum veritatis interpretem; rem nō ita se habere confidenter affirmo, quod utcumq; verum antiquissimis illis temporibus fuerit, in quibus studia ipsa majori cum personarum, & locorum delectu tractabantur; sanè non potest non esse verissimum, hac præsertim ætate, litterarum adeò fecunda, ut cum omnes cathedras ambiant, nullus etiam reperiat, qui di-



qui discere non velit; unde tot iam sodalitates sunt institutæ, tot seminaria, scholæ, & Collegia, erecta; tot ædificatæ porticus, & Academia, vt habeant adolescentes loca, in quibus impunè otari possint, & musis publicè fornices non desint, vbi se cum calonibus, & lixis, ac nundinalibus scurris indecenter prostituunt. Quæ cum ita sint, & suo quemque se n etiri pede, atque modulo verum sit, quis mecum non videt, indignum esse viro Principe si nominis, aut gloriæ suæ summam in hac exercitatione constituat, quæ potest illi esse communis, cum abiectissimo quocuis è plebe? Quinimo contingere etiam poterit, quod ille plures auctoritates laudabit, vel elegantius scribet, aut acutius disputabit, sicq; triumphum aget Thersites de Agamemnone; Codrus de Inacho, Zerbus de summo Pontifice; aut Grosippus aliquis de Rege Anglico; Deinde vero sicut admirationi non est vasta cuiusdam arboris proceritas, vbi in eandem altitudinem tota sylua assurexit, sic neq; generosis mentibus facile est dignum auita sua nobilitate locum in hac palæstra retinere, in qua tam facilis est victoria, aut verius, tam futilis adulatio, vt omnes qui in ea decurrunt, Tros, Kutulusvè fuat, nullo discrimine doctis.



## DE STUDIO LIBERALI. 79

doctissimi statim, ac eruditissimi audiant; Quare litterarum studia vestibus holosericis libenter conféro, quæ mediocris fortunæ homines, absque alio ditiori apparatu sat decore vestiunt, ac exornant, magnaq; apud plebem in estimatione constituunt, Reges verò, ac Magnates nihilo magis suspiciendos efficiunt, nisi præstantiora simul gerant nobilitatis, ac dignitatis suæ insignia, quibus unicuiq; statim innotescant. Et verò cum egregius morum censor, & artifex Horatius, præstantissimæ virtutis ideam vellet effingere, non hanc inter studiorum libellos, & chartulas collocavit, sed in comitijs, legationibus, iudicijs, & pulvere bellico, siquidem, ut ille sapienter monuit.

*Res gerere, & captos ostendere Ciuibus hostes.*

*Attingit solium Iouis, & Cælestia tentat.*

Ea propter vellem te, Fabrici Comes, tecum ità de studiorum cultu statuere, ut hæc ipsa credas, mediocribus ingenijs, quæ nec splendore natalium, nec communi hominum de se expectatione præmuntur, sat honoris, & gloriæ ad virtutis præsidium esse allatura, nobilioribus verò, atq; Eminentiss. in loco constitutis, ornamenta tantum esse, aut si mauis adminicula dignitatum, quibus se præsertim extollere debet,

& in



& in antiquum familiæ suæ decus asserere. Quod si alicuius exempli confirmatione indiget, non aliud equidem magis insignè, quàm Plinij senioris eligere possum, vel debeo, ille enim, non modo in omni vitæ actione exercitatissimo corpore fuit, sed primis annis nobilium adolescentum more causas aliquandiū acti-  
tauit, mox amicitia principum vsus, maxima officia gessit, & ea in primis, quæ illi delegata fuere ab Imperatore Vespasiano, equestribus etiam munijs industriè functus est, procurationesq; splendidissimas, atq; continuas summa integritate administravit, ac demum Mesinensis classis præfecturam susceperat, cum in ardētem Vesouium Liburnicis aduectus; vi pulueris, ac fauillæ oppressus est, annum agens sex-  
tum, & quinquagesimum, cū interim hæc omnia ciuilis vitæ munia sic amoenitare studiorum æmperarit, vt ipsis gradum sibi fecerit ad amicitiam principum; & grandi illo Historiæ naturalis opere, tot dignitatum splendorem non mediocriter auxerit; quod item fecisse de præ-  
henduntur Iulius Cæsar, Cato, Tullius, Varro, Plinius nepos, Simachus, & quicumq; inter præcos extitere nobilissimi, sapientissimiq; Sed ne profectò parum consultè antiquorum  
exempla



## DE STUDIO LIBERALI. 87

exempla tibi ad imitationem propono, qui do-  
 mesticum habes, ac familiare in Eminentissi-  
 mo Cardinale patruo tuo, cuius singularis do-  
 ctрина non se parietibus alicuius Palatii conti-  
 nuit, aut publicæ tantum concionis applausu,  
 librorumvè compositione innotuit, sed maxi-  
 morum munerum, quibus se iam à teneris an-  
 nis totum deuouerat, in Fano fortunæ, Mace-  
 rata, Firmo, Vrbe veteri, Marchia Anconita-  
 na, Comitatu Venesino, Belgio, Gallia, ac rur-  
 sus in Italia administratione; quibus in locis  
 sic facundè locutus est coram populis, & potē-  
 tissimis Principibus; sic erudite, de legibus  
 disseruit cum in Tribunalibus sederet, & de re-  
 bus Theologicis, cum inter subtilissimos Lo-  
 uanienses, ac Sorbonicos Doctores versaretur,  
 sic denique prudenter in omnibus se gessit, vt  
 nemini omnino dubium esse debeat, quin illis  
 omnibus, qui vnica tantum doctrinæ laude flo-  
 ruerunt, Palmam facili negotio præripere po-  
 tuisset, nisi satiùs habuisset longè honoratiore  
 familiæ suæ dignitati, & immarcessibilem ex tot  
 sapienter administratis legationibus asserere.  
 Huius igitur non alterius cuiusquam vestigijs  
 tibi insistendum est, Fabrici Comes, & quan-  
 tum se vires, ac ingenij conatus extendere pos-  
 sunt.

F

sunt.



sunt, quantum ipsa efficere industria, tantum, etiam tibi deinceps enitendum est, ut animū legum, ac Theologiæ studiis abundè instructū, confirmatūq; ad augendum, & illustrandum, per novos honores familiæ tuæ decus possis afferre; qui studiorum tuorum finis esse debet, non autem ille, quem tenuioris fortunæ homines, & huic vni voluendo litterarum saxo alligati sibi constituunt, dum sterili plerunq; vena carmen aliquod fundunt, aut periodis orationem librant, vel libellos componunt queis potentiorum gratiam sibi cōciliare possint, aut famam, quam vix aliter possent, acquirere. Hoc vero præstantissimæ vitæ institutum, quo liberiori pede subeas, & maiori cum facilitate, & elegantia, non erit opus mea quidem sententia, fastidiosum, aut in quo plurimum sudoris, & laboris impendas, postquam mansuetiores Musas sanctissimè iam coluisti, nihil puerile, aut leue, nil inconsideratum, aut inane, præferens, tūm maturè ijs te artibus dedidisti, quæ sunt ad virtutum apicem, omniumq; laudum verticem, non fallaces duces, atq; antesignanæ, ut omittam, quod in hac consideratione haud ultimo loco recensendum est, te videlicet ijs parentibus esse natum, quorū si vestigijs insistas,

non



## DE STUDIO LIBERALI. 83

non possis omnibus non sapiētissimus existere. Quo facilius intelligo paucis mihi transigendum esse, de nonnullis rebus, quæ sicuti furtim in faciles iuuenum animos ex prima institutione irrepunt, sic illas diuturna iam obseruatione non minimum obesse depræhendi, quo minus illi post tot epotas lucubrationum fuligines, sanum colorem suis actionibus inducere possint, aut bonæ mentis specimen aliquod exhibere; Eiusmodi verò sunt nimia quædam morum facilitas, & vitæ innocentia, qua prorsus inepti redduntur homines, ad omne genus negotiorum, dum in Republica Platonis, aut inter Satyricorum censuras, & Stoicorum præcepta enutriti, nihil ferre, vel audire possunt, nisi quod rectæ rationi videatur è directo consentaneum, vnde si quis illos postea conuitio feriat, si quis argute lancinet, aut dicterijs impetat, muti sunt, nihil habent, quod respondeant, nisi forsan illa, quæ nimia grauitate, aut intèpestiua eruditione risum concitent; Tum si quis se laudat præ modum, atq; efferat auscultantibus ipsis, si quis Regem, Tyrannumvè beatum prædicat, si quis latifundia mille iugerum possidere se iactat, si quis generis claritudinem repetat a tritauo, desipere hos omnes credunt,



credunt, & effusius rident, nescio vtrum, quia nimis insolentes, an quia nimis deliri, Proximè huic intemperiei affidet nimia credulitas, cuius origo non aliunde profectò, quam ab iisdem primæ institutionis fontibus repetenda est, in hac siquidem, dum adolescentes magni compendij loco habent omnes Poetarum fabulas ad vnguem intelligere, Centaurosq; & Syllas bifformes, ac Hesperidum hortos suis in carminibus vsurpare, ridiculis sensim narrationibus, & historicorum nugis sic assuescunt, vt quæ postea dicuntur non modo de Troianorum gestis, aut Æneæ nauigatione, sed ridicula, & absurdissima quæquæ, sine delectu, vel cæsura, recipiant, vnde tandem in istud incommodi deueniunt; vt vel perpetuò metu, ac terrore discrucientur dum lemures, & spectra, & noctium occuracula, Parædrosq; & Cobalos cur non etiam Empusas & passim ac vbique locorum obuersari sibi persuadent; vel facillimè decipiantur, dum Pseudomagis, Astrologis, Cabalistis, Artificialis inemoriæ, Artis Lulli, Encyclopædiæ, Alchymix, & quarumvis diuinationum, nouarumq; artium professoribus, aut verius pecuniarum æruscatoribus, faciles nimium, ac bibulas aures adiiciunt:

Vel



## DE STUDIO LIBERALI. 85

Vel denique parum emunctę naris habeantur, dum quę sibi constare non possunt, quęvè sunt impossibilia, & ridicula loquuntur, aut credūt. Non minima quoque studiosorum pernicies, & morbus haud curatu facilis, in scientiarum usu, & recta earundem applicatione versatur; Quosdam enim videre est, sic penitus imbutos eius doctrinę documentis, quam primum in schola licet casu susceperit, ut ipsos deinde, nec ratio ab errore, nec libertatis amor à servitutis turpitudine, nec constantia veritatis ab obstinatione, pertinacią; revocare possint; Itaq; si forte in Peripateticorum deambulationem venerint, magnas statim hominum admirationes, magnum fuisse virum Arist. & quem natura nihil celauerit, nulla res deceperit, nulla morum, aut doctrinę labes deturparit persentisces; Si Stoicorum porticus subierint, nihil vno Zenone in vita constantius, nihil in philosophia admirabilius, aut diuinius fuisse tibi persuadebunt: Quod si, prohi malum, in delicatos Epicureorum greges, de Deorum otio interpocula philosophantes inciderint, afferent continuo, Epicurum vnicum auctorem esse, Deumq; & beatę, & fortunatę vitę, Platonem verò, Aristotelem, & reliquos philosophorum



phorum greges, præ hoc vno stultos, & deliros  
 existere; Atq; fecisset vtinam natura, quæ no-  
 bis tam diuersas mentes indidit, vt istis gene-  
 ralibus philosophorum sectis pertinaciæ, ac cõ-  
 tumaciæ nostræ finis imponeretur, non profe-  
 ctò, tot inter contentiones inanissimas sapien-  
 tiæ, & veritatis, fraudis vero, ac stultitiæ ple-  
 nissimas quotidie versamur; nec sapientissimi  
 Religionis nostræ ductores odio plusquam Va-  
 tiniano inter se digladiarentur; dum suos qui-  
 què Doctores odiosa prorsus æmulatione inter  
 se conferunt, ac Stentorea nonnunquam voci-  
 feratione reliquis præferre nituntur, verum huc  
 stultitiæ deuenimus, vt quamquisq; sibi philo-  
 sophiæ, alteriusvè professionis sectam delegit,  
 quamuis ea sit plerunque inepta, aut à veritate  
 aliena, totus tamen mente, & animo ad hanc  
 adhereat, indignius reputans seruire corpo-  
 re, quam animo. Alios etiam intueri licet, qui  
 diuerso erroris generis in transversum acti, quid  
 quid solidi ab optimis auctoribus accepere, il-  
 lud tandem in fumos, ac nugas conuertunt, si-  
 miles ægrotanti stomacho, qui cibos omnes  
 etiam suauissimos, & laudabilis alimenti, non  
 in succum alendo corpori necessarium conuer-  
 tit, sed in flatus, aut biliosos humores resoluit,  
 qui



## DE STUDIO LIBERALI. 87

qui pro ut in cerebrum, aut viscera feruntur, illis tormento esse solent non mediocri. Nec vnus tantum alicuius scientiæ professor, hæc pestis infestat, sed omnium ferme conatus, ac vota deludit, nam quotus quisque est grammaticæ rudimentis, & humaniorum litterarum tinctura, vel mediocriter imbutus, qui non otio & ingenio suo abutatur, aut in vocularum quarundam proprietatibus morosè tractandis earundemq; æthimologia superstitiosè inuestiganda, vel in anagrammatis, anacrostichis, Andræcruceasmis, Pangrammatis, Diaulis, versibus anguineis, recurrentibus Leoninis, centonibus, & eiusmodi gerris, ac difficultibus nugis. Aut si paululum altius sapiunt in quæstionibus illis euentilandis; quæ grammaticorum cruces, aut potius bonæ mentis scopuli, vada, syrtes, meritò vocantur; quales sunt illæ, quibus Tiberius genus istud hominum torquebat, quærendo ab illis; quæ nam fuerit mater He-cubæ; quid Syrenes cantu dicant? Achilli quod nomen, quando inter Virgines latibat? quis prior Dies, aut Nox, malleus, aut incus, gallina, an ouum; quot vini cados Æneæ dedit Acestes? quo pede Æneas naui egrediens Italiam attigit? qua primum manu se subleuauit Brutus,



Brutus, cum in terram cecidit, ex oraculi voluntate? Anacreon vinosior, an libidiniosior fuerit? Thaurus, an Vacca signum sit in Zodiaco, atque adeò, ut nostri temporis quasdam delibemus, Virgilius, an Vergilius dicendum sit; Epistola, vel Epistula, nisi, vel nisi; Omnipotentis Olympi, an Omnipotentis? Trita pharmaca, an tetra; ocna, ac ornus; magistracupa, an culpa; inficetus, an infacetus; Seruator, an Saluator; Mœcenas, an Mecænas, endelechia, vel entelechia, & similes alię, de quibus sic acriter, & infenso animo depugnauere Agellius, Philelphus, Politianus, Budæus, Lambinus, Muretus, ut non mouere fluctus in simpulo, nec digladiari de puncto, vel accentu, aut virgula, sed tanquam de regno totis inter se viribus concurrere, & omnia susq; deq; inuerrere viderentur: quotus etiam philosophorum est, qui vel in Dialecticæ summulis, & parua Logicalia, vel in superstitionis rerum naturalium obseruationes, ac magiæ secreta non impigerit? Sed quis etiam Theologorum non se libenter, ac facile Scholasticis ambagibus accommodauit? tam procliue est à virtutibus iter ad vitia, tam facilis gradus à sapientia ad amētiā: vltima denique litterarum perniciēs, & calami-



## DE STUDIO LIBERALI. 89

calamitas, quæ magis quam vlla præcedentium studiosis hominibus infesta est, dum bonæ mentis functiones lædit, iudicijque vim penitus destruit, & labefactat, est quidam animi stupor, aut potius hebetudo, quæ nos recentes adhuc à scholarum disciplina, nec erroribus hominum, rerumque vicissitudinibus dignoscendis assuetos, omnium opinionum torrente violenter inuoluit, trahitque tandiù cum cæteris præcipites, quousque sapientior aliquis ausus attollere contra mortales oculos, sic indecore ruentibus obfistat, facemque veritatis, & sanioris iudicij periclitantibus accendat, ad quam postea tanto cum impetu reuertimur, ut nobismetipsis ludibrio simus, & exemplo summæ leuitatis, ac ignorantie; Hoc verò quin sapissimè contingat, nemini dubium esse potest paulò acuratiùs in superiorum temporum historiam inquirenti, in qua videre est sic ineptos aliquando fuisse homines, sic aurium sensu, ac animi iudicio destitutos, ut post habità Vergilianæ dictionis elegantiā, rythmicos versus elegerint, qui tum primum ab auctoris nomine Leonini appellati sunt, suauiusque ac maiori cum dulcedine, & voluptate cantillarint carmen hoc, utrobique tinniens, & Echoinum,

*Cum moritur dices, cōcurrunt undique Cines,*



quam placidum istud, & omninò delenificum

*Purpureus veluti cum flos succisus aratro*

*Languescit moriens,*

Et nihilominus pauci admodum extitere, qui toto illo trium, aut quatuor sæculorum tempore, quo furor ille grassatus est, carmen antiquæ monetæ percuterent, sibiq; melioris æui Poetas ad imitandum proponerent, tanta est mentis ubique penuria: eodem propè tempore Philosophorum scholas sophistica labes, Theologorum vero pulpita, scholastica disputandi methodus non minori damno, ac pernicie inuaserrant; quæ studiosos omnes incredibili prope modum concursu, & applausu communem infanientes insaniam, ad superioris sæculi principium detinuere; & si rectè calculum ponimus non deest hodie similis quædam intemperies, quæ Scholasticæ loco Casuistarû mentes exerceat, quasi fatum esset eruditorum, morbo semper aliquo detineri, aut in errorem grauissimû impingere, cuius nemini in mentem venire solet, nisi cum hic ad extremum deductus, seipsum tandem prodit, ac manifestat; eiusmodi autem esse censeo, vt exemplorum congerie melius dignoscatur periculum, studium illud, quo linguarum professores, reliquarum originem



## DE STUDIO LIBERALI. 91

nem ab antiquiori aliqua, & primaria, aut vni-  
us tantum ab altera repetere conantur; & Ci-  
ceronianæ dictionis imitandæ desiderium,  
quod iam diu cessauit; & amorem illum, qui  
Italos homines adeo suæ linguæ exornandæ cu-  
pidos, non ita pridem reddiderat, vt de Lati-  
na conclamatum esse multi iam persuasum ha-  
berent; & ingentem pruritum inuertendi, ac  
restituendi optimos auctores, qui nunc maxi-  
ma intemperie Criticorum mentes exagitat, &  
eo tandem nos deducet, vt primæ tantum, ac  
antiquissimæ librorum editiones optimæ cen-  
seantur; & nimiam prorsus, ac morosam Ita-  
lorum curiositatem in peruestigandis optimæ  
poeseos legibus, & artis ipsius methodo, velut  
ab inferis per mille difficultatum ambages re-  
uocanda, quasi Arist. & antiqui omnes in ea  
cæcutierint, aut non consultius iudicarint, ea  
tantum præscribere, quæ ad artis constitutio-  
nem faciunt, quam tot subtilitates proponere,  
quibus, non tam illustrentur recentiorum poe-  
mata, quam exercentur Academia; queis om-  
nibus si reliquarum artium intemperies, & il-  
las præterea, quæ falsis in rumoribus consistunt  
eum exactè non discutiuntur accensere vellem,  
dies me citius deficeret, quàm oratio: cum nulla  
scientia



Scientia illarum sit expertis, nulla vitæ nostræ  
 ætas immunis, aut libera; sed non opus est to-  
 tum Mare ebibere, vt an illud falsum sit depre-  
 hendatur, nec censoria virgula donatus sum;  
 quemadmodum Aristarchus, vel Aristopha-  
 nes, vt os in Coelum ponam, multaq; similiter  
 in superioribus disciplinis veru, ac obælo, &  
 asterisco digna pronunciem. Atq; hi sunt præ-  
 cipui ad prudentiam, & bonæ mentis adeptio-  
 nem obices, in quos non admodum rarò solent  
 deferri, & naufragium facere, qui studia sua  
 impetu potiùs, & naturali propensione, quam  
 sapientissimi alicuius præceptoris consilio mo-  
 derantur. Quanquam non dubito, quin plu-  
 res alij inueniri possint, sed quoniam ipsi velu-  
 ti priorum confectarij sunt, nec periculum in-  
 tentant, nisi succedaneum peritiores medicos  
 imitabitur, qui sympatheticos, & symptoma-  
 ticos affectus, non aliter quam propriorum, &  
 idiopaticorum instituta curatione tollendos  
 esse significant; quamobrem licet parum ho-  
 nellè, ac verecundè possint huic nimix facilita-  
 ti, & morum integritati, quam supra descripsi-  
 mus, certi fines, ac limites assignari, mos ta-  
 men gerendus est huic Horatij præcepto.

*Infans sapiens nomen ferat, aquus iniqui.*

*Ultræ*



## DE STUDIO LIBERALI. 93

*Vltra quam satis est, virtutē si petat ipsam.*  
 Et diligenter præcauendum, ne virtutes, quæ nobis tanquam instrumenta datæ sunt ad retinendum honorem, vitiorum continuò infamiam nobis, ac dedecus afferant, quemadmodū illis contigere solet, qui in fæce populi, & medijs in Urbibus inter mores hominum inquinatissimos viuentes, antiquissimæ seueritatis exempla memoria repetunt, indignanturq; non omnia, secundum Phocilidis, aut Pythagoræ, vel Theognidis, & Catonis disticha procedere, quod equidem incommodum non aliundè procedere videtur, quam ab educationis illiberali modo, siquidem dum adolescētes inter Ætatis aureæ fabulas, & Curiorum, Fabiorum, Scipionum virtutes adolescunt, nihilq; de cæterorum vitijs audiunt, nec illa etiam vllibi gētium existere sibi persuadent; ynde sequitur postea, cum tot deprauatos, & abnormes viuēdi ritus conspiciunt, tot dissimiles Xenofontis Pædiæ, & Platonis Reipublicæ hominum consuetudines, vt non aliter stupeant, hæreant, titubent, cæcutiant, quam aues implicitæ visco, quam ad Solem Vespertiliones, vel Bubones, dum inepto cantu reliquis volucris sunt ludibrio: Hoc autem non perinde se habebit, si prout



prout sub initium istius syntagmatis admonui, iuuenes in propria, aut alterius priuata domo erudiantur, vbi quidquid in Ciuitate committitur oculis vsurpare possint, & quaecūque de hoc, vel illo dicuntur audire, vt sic paulatim cunctis rebus assuescant, possintq; quantum laudis, & gloriæ in virtute sequenda repositum sit, ex vitiorum intuitu cognoscere: quæ in re non minimum etiam iuuari possunt continua Historicorum lectione, modo tamen ipsa cum doctissimo præceptore instituatur, qui ipsorum sententiæ, ac narrationi lumen afferat: principum intentiones, bellorum euentus, præclaras, aut indecoras militum actiones, consilia Ducum, clades, victorias, triumphos, obsidiones, stratagemata, ac demum singula quæque pensiculatim examinans, illustransq; aut similitum comparatione, aut acri censura, atq; iudicio, aut tandem ampliori eorum, quæ per se obscura videri possent declaratione; mirum est enim quantum eiusmodi lectio utilitatis afferat, quantumq; se iuuenum animis cum pulcherrima simul diuersarum rerum cognitione, penitus insinuet, ac diffundat; quæ postquam ipsi semel intincti sunt, & leuiter imbuti, nihil amplius stupent, nihil verentur; Sed sibi tantum



## DE STUDIO LIBERALI. 95

tantum regulas bene viuendi præscribentes, quidquid ceteri fecerint non magis certè, quàm de rebus, quæ ad se nihil pertinent offenduntur. Nimia verò crudelitati remedium esse posset, si præceptores fabularum explicationem cum earundem historia coniungerent, monerentquè diligenter, ac curiosè adolescentes, quid per Centauros, & Scyllas, quid per Faunos, & Empusas in Priscorum Mythologia sit intelligendum; quod equidem non solum metu, ac perturbatione, ipsorum animos liberaret, sed eos ornaret insuper, ac instructiores redderet, præclarissima antiquioris philosophiæ cognitione, quam velut per manus acceptam ab Homero, Hesiodo, Orphæo, Platonicis, & omnes prætereà Magiæ naturalis, ac vtriusq; Cabalæ, & Chymiciæ professores, suis in compositionibus, quas eiusmodi figmentis plerunque depingunt, ac exornant, sapienter retinere; vt minime pro nihilo ducenda sit, quorundam nostræ tempestatis hominum sententia, dum contendunt, haud mediocrem eius eruditionis partem, qua se plurimum iactant, & extollunt, qui inter humaniorum disciplinarum, ac Philosophiæ, Theologiæve professores, altius reliquis sapere deprehenduntur, in huius-



in huiusmodi fabularum explicatione totam  
versari. Veruntamen, si quod ingenuè cenſeo  
libere fatendum eſt, debile præſidium in hac  
docendi ratione conſtituo, niſi iam grandior  
factus iuuenis, & communis doctrinæ ſtadium  
cmenſus, animum deinde ſeriò applicet, ad præ-  
cipuam illam non ſolum benè moratæ; ſed etiã  
verè beatæ, & ſapientis vitæ procreatricem, ve-  
ritatis inueſtigationem, ſine qua, nihil neque  
litteratum, neque prudens, neque liberale, ne-  
que magnificum, poteſt exiſtere; eſt enim ve-  
lut lumen, quo vitæ actiones omnes illuſtran-  
tur, & hoc quidem diurno ſydere tanto poten-  
tius, quod ſol iſte oculis tantum, veritas autē  
mentibus lucem, atq; diem affert, atq; hic fa-  
cit, vt res quales ſunt, tales etiam cernantur;  
illa vt quod ſunt, id illud ipſum ſint; ſed hoc  
lumen non æque ex omni parte diffunditur, nec  
ſe pariter omnium oculis accommodat, ma-  
gnas illud mentes requirit, & cœleſtis parti-  
culæ plenius compotes, ac in mundi Scena  
eruditæ, quæ nullius placitis aſtrictæ, nullius  
opinionis tenaces, ſed ſui iuris, ac liberæ per  
omnium ſcientiarum dogmata ferantur, per  
mundorum ſyſtemata obambulent, per rerum  
viciffitudines exerrēt; quęcumq; ſunt, fuerunt,  
aut



## DE STUDIO LIBERALI. 97

aut erunt, ad examen vocantes, ut de ipsis quod è re videbitur esse apud se constituent, atq; ex ipsorum diuturna, & diligenti consideratione, bonæ mentis habitum induant, cuius postea beneficio rectè, sapienterq; possint de singulis rebus iudicare, & quid in illis verum, aut falsum, quid rectè rationi conueniēs, aut absurdum reperiatur deprehendere. At verò quoniam nobis non licet esse tam beatiss, ut anima nostra à prima sui origine tales, tamquæ eximias dotes secum in lucem afferat; mutuetur illas oportet, accipiatq; vel à se ipsa, dum largiori, vberiori; rerum cognitione informata est, vel à sapientissimis præceptoribus, quorum auxilio licet se destitutam inuenerit, non est tamen quod de spe decidat, bonæ mentis consequendæ, si nonnulla apud se statuatur, quæ velut bases, ac fundamenta esse debent omnis ingenuæ, veræq; liberalis, & præstantioris doctrinæ, ac primum quidem est veritatem, de cuius tamen possessione vix vlius est, qui se non plurimum efferat, submersam adhuc in Democriti puteo latere, nec se mortalibus oculis conspiciendam vnquam exhibuisse, quo fit ut vera Iunonis istius imagine frustrati, solas imaginationis nostræ nubes amplexemur.

G

plexemur.



plexemur, ex quarum postea compressione non Centauri quidem prodeunt, sed tot sententiarum, & opinionum, quæ nos vicissim, ac pessimè exercent partus abortiui; Secundum est nihil in hoc mundo stabile esse, nihil firmum, aut inconcussum, sed omnia vicissitudinibus agi, & successionem quadam, artes, regna, scientias, sectas, Cœlos etiam, terras, ac maria conuerti, ut constans æterna, positumque lege sit, in mundo constans, ac perpetuum esse nihil; ac proinde stulta redduntur, & subuentanea plerunque hominum vota, dum audent, vel scientijs, vel legibus, vel Imperijs, aut quibusvis rebus, quarum amore capiuntur, de perennitate gratulari; cecidere quondam Democritus, & Empedocles; cecidit Pithagoras; Stoicorum Porticus, fermè tota diruta cernitur Platonis Academia, araneis, & squalore obsita est, ac mucida, & tibicine circumquaque fulta; in Epicureorum desertis agris, filix, & steriles dominantur auenæ; Aristoteles paulò firmitus stat in iuxta religionis nostræ arbori, quam tamen, velut Hedera occultè destruit, ac depascitur; sed cadet ipse nihilo minus, quam cæteri, & qui foueam illi preparant, ac nacem intentant, Telesius, Patritius, Campanella,



# DE STUDIO LIBERALI. 99

panella, Basso, Gassendus, suas quoque vices habebunt: Eadem lex Imperijs etiam posita est, quorum nullum vnquam potuit ab antiquissima memoria ad hoc vsq; tempus perennare, non Assyrium, non Persicum, non Graecum, aut Romanum: Eadem quoque Ciuitatibus imminet,

*Atq; vetus Theba centum iacet obruta portis.*  
Nec familijs, ac nominibus parcit, quibus mors quotidie venit, non secus, ac monumentis, & ipsismet hominibus, qui quidem non particularibus tantum, & sporadicis morbis obnoxij sigillatim pereunt, sed incendijs, elutione, peste, bello, fame, non aliter prorsus, quam vites grandine; aut segetes vrente vento prosteruntur, demetunturq; per saturam, quod equidem exemplo nobis esse debet, non adeo pertinaciter, quemadmodum fieri consuevit, quidquam statuendi de naturæ ordine, ac vniuersi legibus; sed iugi, & assidua eiusmodi rerum meditatione, cogitationes potius assumendi, quibus mens nostra, velut in mundi centro constituta, res omnes circum se volui intueatur stabilis semper, semper sui iuris, & imperterrita. Tertium quod ad bonæ mentis acquisitionem non parum facit illud est omni-

G 2

nò, quod



nò, quod prisca sapientes sub imagine Protei  
 πολυμορφῶν nobis latenter insinuare voluerint;  
 nimirum antiqua fermè omnia esse commenti-  
 tia, rerumq; primordia, nisi quæ in libris diui-  
 nis leguntur, nulla esse constantis, ac non sub-  
 lectæ fidei; vt non immeritò Arnobius cum ad-  
 uersus paganos disputaret, in hæc verba pro-  
 ruperit: *Falsitatis arguitis res nostras, & nos  
 vestras arguimus falsitatis, sed antiquiora in-  
 quitis nostra sunt, ac per hoc fidei, & veritatis  
 plenissima; quasi vero errorum non antiquitas  
 plenissima mater sit, & non ea peperit res eas,  
 qua turpissimas Dei notas ignominiosis concin-  
 nauerint in fabulis?* Vnde non modo ruunt,  
 quæ de genealogia Deorum, ac Heroum faci-  
 noribus Homerus, & alij cecinere; sed quæ de  
 regnorum, populorumq; ac Ciuitatum origi-  
 nibus non infimæ etiam notæ retulerunt histo-  
 rici; gentes siquidem, pleræq; , & nationes,  
 ignaræ vetustatis, & veræ, propriæq; seriei  
 temporum, fabulosas quasdam origines con-  
 finxerunt, vt Thessali, qui ex lapidibus ortum  
 suum repetebant, & Arcades, Atheniensesvè,  
 quorum hi, se αὐτὸι κρονεεσσε esse, illi vero astris,  
 & Luna priores inepte asserebant: Sanè nullū  
 adeò in historicorum lectione infantem esse  
 cenſeo,



DE STUDIO LIBERALI. 101.

cenſeo, qui non ſtatim videat, Herodotum, & Diodorum Siculum, vt de alijs taceam, initio ſuorum librorum caliginofa quædam fabulamenta nobis, & offutias obijcere, quinimo Titus Liuius quamquam iſtis multò verecundior, cum Romanæ Urbis, adeòq; Romuli incunabula recenſet, fateri alioqui cogitur veterum ſcriptorum commenta, qui vt magnis Auctoribus ſuas Ciuitates commendarent, uſi ſunt hac venia, quam illis concedere æquum exiſtimat, vt nimirum miſcendo humana diuinis, primordia Urbium auguſtiora faciant, Nec mirum certè, cum & in ijs, quæ noſtra ætate, vel nonnunquã nobis videntibus accepta ſunt, plerique ſcriptores oblique ſtylum accomodēt, ac ambages, & mera ſomnia loquantur tam vacui capitis nos eſſe reputant, qui illorum nugis aures adhibemus, aut potiùs tam ſe non bonæ mentis compotes oſtendunt, dum libros Euclionis domo perſimiles componunt, quæ inaneis tantum repleta erat, ac araneis, vnde ſuſpenſo pede, magnaq; ſemper adhibita cautione inter tot non modo historicorum ſed omnium ferè ſcriptorum mendacia incedendum eſt, quo minùs ipſorum telis, velut culices irretiamur, detineamurque. Quarum quod



paucis, aut à nemine potius animaduersum  
 fuisset rari satis non valeo, est, naturæ vim or-  
 dinemq; ita prorsus se habere, vt omnibus in  
 rebus aliquid excreseat sordidum, & lutulen-  
 tum, quod tolli, recidiq; conueniat, atq; ea  
 causa fruges, herbas, arbores, ferrum, terram,  
 aquam, hominum denique, atque animalium  
 corpora purgari, quæ vix causa est cur vete-  
 res Mythologi prodiderint Gallos illos, Phry-  
 gios Ministros Cybeles, quam terram dixerūt  
 exēctos fuisse genitalibus, ostendere siquidem  
 voluerunt, omnibus in rebus, quæ terra gigne-  
 rentur, aliquid increfcere, quod esset conti-  
 nuò amputandū; eademq; ratione, Castorem  
 animal Berecinthiæ Matri, quam, & terram  
 appellabant, dedicādum esse censuerunt, quia  
 perrumpere sibi genitalia ipsa, morluq; per-  
 stringere feratur. Quod cum in cæteris rebus  
 verum, tum sanè in scientijs, & artibus verissi-  
 mum deprahenditur, quarum nulla fermè est,  
 quæ postquam homines circa ea, quæ in se vti-  
 lia, ac essentialia sunt aliquandiū occupatos  
 detinuit, eosdem in ea, quæ merè superflua sūt,  
 ac inepta, & ridicula non præcipitet, quamquā  
 illud non tam ab ipsis artibus procedat, quam  
 ab ingenij, mentisq; nostræ natura, quæ cum  
 ignei



## DE STUDIO LIBERALI. 103

ignei cuiusdam vigoris sit particeps, & à coelis in terrenum carcerem demissa, vtriusq; elementi naturam retinere solet, & à Cœlo, vt nunquam quiescat, ab igne, vt cuncta rimetur, ac penetret, vltcriusq; semper procedat, obtinere; vnde postquam alicuius scientiæ regulas, methodumq; ac Systema compræhendit, nihilq; vltra cum ratione, & fundamento in ipsa inuenire potest, ecce quam primum ad inania se demittit potius, quam quiescat, & cucurbitas pingit, laruasq; ac lamias turres, & pectines Solis, seu maui somnia, vanaq; & imaginarias artes, quæ non plus habeant in se veritatis, quam ipsarum Auctores bonæ mentis, & iudicij: atq; inde est, quod scientias vix vnquā sinceræ, ac certis limitibus definitas habere possimus cum Grammatica, vt ab illa primum incipiam, non solum quæstiones friuolas, de quibus superius dictum est, secum annexas habeat, sed onomantiam insuper, alectromantiam, & dactylomantiam, quæ diuinationes sūt, ex fortuito litterarum, ac nominum concursu excogitatæ; Rhetorica non modo præsidium querat in Arist. Quintiliani, vel Ciceronis præceptionibus, sed in subsidium aduocet artis Notoriæ orationes, imagines memoriæ artificialis,



Acialis, rotas Lullij, Theatrum Iulij Camillij,  
Typocosmiam, Syntaxes Gregorij, Encyclo-  
pediæ regulas, & si quid est aliud eiusmodi va-  
nissimum; Dialectica lubenter se exerceat in  
summularum ampliacione, restrictione, ob-  
ligatione, suppositione, & gerris similibus, ac  
sophismatis; Musica denique suos concentus,  
& modulos ad Coelestis cuiusdam harmoniæ  
imitationem componat; vt reliquis artibus  
prætermiſſis ad scientias maiores, ac velut re-  
liquarum matrices deueniam, inter quas cum  
Phyſica, Medicina, necnon etiam Theologia  
præstantiſſimæ ſemper habitæ ſint, ſic quaſdam  
appendices poſt ſe trahunt, quæ licet primo  
aſpectu non indignæ videantur ſtudio, & inue-  
ſtigatione ſapientum, dum Aſtrologia conatur  
quidem ſuperiorum in inferiora influxum, &  
dominatum recludere; Magia verò naturalem  
Philoſophiam, à veritate ſpeculationum ad  
magnitudinem operum reuocare contendit;  
atq; etiam Chymia in ſe ſuſcipit, corpora ipſa  
inquinata depurare, impedita liberare, imma-  
tura perficere; quibus demum adiuncta Ca-  
bala totius diuinæ ſcripturæ myſteria reclude-  
re, ac palam exhibere conſpicienda proſitetur;  
ipſæ tamen tales in ſe, & in interiori ſua ratio-  
ne

neceſſe



## DE STUDIO LIBERALI. 105

ne esse depræhenduntur, vt plus habeant ex-  
phantasia, & fide, quam ex ratione, & demon-  
stratione; quare consentaneum est etiã in arbi-  
trari vias, quæ ad earundem fines deducunt  
plenissimas esse erroris, & nugarum, nosq; tan-  
dem per varios, ac labyrintheos plexus ad iu-  
diciariam, magiam superstitiosam, & alchymiã  
deducere; quas omnes cum enumeratis suprã  
cæterarum artium, velut sordibus, & excremẽ-  
tis, ad pannuceas Baucides, & Planos, Agyr-  
thas, Æruscatores, Scurras, Fumiueculos,  
Nebulonesq; Circumforaneos, quibus velut  
hamo lucrum expiscentur, & infami, ac propu-  
diosæ vitæ suæ consulant, ablegandas esse cen-  
seo; Simulq; monitos velim ingenuæ sortis  
adolescentes, ne se talibus vnquam nugis irre-  
tiri patiantur, si bonæ mentis opinionem, ac  
sapientiæ adipisci student, aut semel adeptam  
retinere. Quintum, ac postremum, quod non  
modo velut præceptum ad bonam mentem, sed  
tanquam etiam remediũ afferro ad illud, quod  
primum in studiorum vsu homines peccare su-  
pra notavi; verum philosophandi genus infi-  
nuat, iudicio, & existimatione rerum liberum,  
non autem opinione, aut affectione constri-  
ctum, à quo immane quantum illi discedunt,  
qui



qui primum ante tenentur astricti, quam quid esset optimum iudicare potuerint, quique infirmissimo tempore ætatis, aut obsequuti amico cuidam, aut vna alicuius, quem primum audierint oratione capti, de rebus incognitis iudicant, & ad quamcumq; sunt sectam, quasi tempestate delati, ad eam tanquam ad saxum adhærescunt, ex quo hic verum sit, ac rectæ rationi consentaneum, tam Hercle vident, quam Solem Cimmerij, aut qui in illuni nocte ambulant iter dispiciunt: & verò si in his emendis, & contrahendis, quæ ad corporis vsum, & cultum pertinent tantum diligentia adhibetur, ut non nisi magno cum delectu quidquam emas, nec si mercator aliquis merces suas, quas venales exhibet optimas esse iure iurando, confirmarit, idcirco plus eius testimonio, quam tuo iudicio tribuas, quanto maiori studio, & consideratione merces animorum, quas philosophi nobis venditant explorandas, & deligendas esse arbitraris? sunt autem illi ipsi mercatores, atq; inuitores sapientiæ; itaq; si quid in Platonis sermonibus, aut Archesilea Epoche commodum tibi, & utile est, illud accipe; si quid boni in hortis Epicuri virescit, hoc collige; si quid melius Lycæum profert quantum quo



## DE STUDIO LIBERALI. 107

quomodo videtur assumere; si magis sunt vendibiles Zenonis, quam Aristotelis merces, ad istius Porticum diuerte; si omnes aliquid attulerint, quod tibi non mediocriter arrideat, hoc ipsum a singulis accipe; vni tantum veritati consequendæ vndecumq; illa haberi possit addictus, nec huius, aut alterius, Aristotelis, aut Platonis, Diui Thomæ, vel Scoti, Hippocratis, vel Paracelsi, Ptolomei, vel Tychonis opinioni mancipatus, sed liber, ac velut omnium iudex, & arbiter constitutus; sic enim eum oportet esse quisquis volet rectè, & constanter de omnibus rebus iudicare. His igitur quinque fundamentis, ac velut præcognitis quicumq; mentem, animumq; informatum habuerit, is dubio procul magnos iam progressus in bonæ mentis adeptione se fecisse existimet; nihilq; ultra expectet, quo minus actiones illas edat in reliquo vitæ decursu, quæ ipsum a communi, vilissimaq; mortalium sæce discernere possunt, & in æternum commendare augustissima, rarissimaq; sapientis animi possessione. Et verò cum illæ ipsæ actiones in omni quidem hominum genere, sed præsertim studioforum elucescant, restat nunc paucis absolvam, quales se gerere debēt liberalibus studiis addicti,



addicti, ne duobus morbis, quos postremum recensui simul cum reliquis corripiantur, diuexenturq;. Quantum igitur ad illum spectat, qui in deprauato studiorum usu consistit, dum leuia quædam, ac prorsus inepta sectamur, qualia sunt Aufonij, & Capiluporum centones, Diauli Mestrali; Rabani, Porphyrij Optatiani, & Moninij, Acrosticha, & quicquid eiusmodi ludorum excogitare solent adolescentes; quamquam de ipsis iam antea fusè dictum sit, addâ nihilominus hic valdè mihi probari Alexandri Magni iudicium, ac præmium, in re non admodum dissimili. Hic enim hominem solo oris halitu cicera minutissima, ex magno interuallo in acum certissime infigentem, cicerrum modio donari voluit, quo se ille nugator in tam ludicræ artis fatuitate diutiùs exerceret: simili autem præmio cur nō digni sint, qui istas operosas ineptias sectantur, queis nec litteratior fit quispiam, nec melior, nullus sanè video quamobrem, cum non modo turpè sit viros graues, ac eruditos leuia sectari, & cum per plana, ac æqualia iter facere possint, Caprarum instar per rupes, & salebras, ac abrupta incedere; sed odiosa quoque res sit difficiles habere nugas, & stultus fit labor ineptiarum; nunquam



DE STUDIO LIBERALI. 109

quam debent adeò viles, & abiectas cogitationes assumere litterati, vt ad hæc fatua, & ridicula animum demittant, in quibus, qui se subtiliores ostendunt, hoc insuper obtinent, vt stultiores etiam iudicentur. Neque vero leuius peccare existimandi sunt, qui rerum ignoratione, imbecillitateq; mentis, ac inconstantia subinde fluctuant, popularium opinionum torrente illuc raptati, vndè se reducere non possunt absq; suæ existimationis graui iactura, & periculo, vt rectè dixerit Horatius.

*Non qui Sydonio contendere callidus ostro  
Nescit Aquinatem potantia vellera succum,  
Certius accipiet damnū, propiusq; medullis;  
Quam qui nō poterit vero distinguere falsū.*

Præterquam, quod enim falsis opinionibus imbuti decipiuntur, & decipiunt, quod in viro sapiente, ac bono absurdum censetur, viam quoque sibi præcludunt ad vltiorem rerum, ac causarum indagationem, quod est erudito homine prorsus indignum; quare vt huic malo obuiam eatur, effingendus est animus ad exemplar heroicæ fortitudinis, qui res omnes attentò despiciat, intrepidè exploret, acurè discutiatur; non Multitudini credens, quia non tam benè cum rebus humanis geritur, vt meliora plu-



ora pluribus placeant; Non Prophetis, nisi qui signa dederint, quoniam pauci Spiritu Sācto agitantur: omnes fermè humore melancholico, fastu, vel intempestiua deuotione; non Astrologis, quia tot iacula cum emittant, mirum non est alicuod tangere non Alchymistis, quoniam ab ijs drachmam petunt, quibus thesauros pollicentur; non Famæ, quia tam ficti, prauiq; tenax, quam nuncia veri describitur à Poetis; sed vni tantum euidentissimæ, ac constantissimæ Rationi. Quomodo autem comparari possit egregia ista, ac prorsus heroica animi fortitudo, quæ bonæ mentis est soboles, ac fructus longe omnium suauissimus, iucundissimusq; frustra essem, si vellem hic dicere, postquam de ijs supra differui, quæ ad istius bonæ mentis consecutionem omnino sunt requisita:

Atque, vt verum sit quod cupiosior erat hic locus, & dignior qui pluribus diceretur, quemque ego aliquando exactiori cura mihi puto dicendum, quando hic præcipuus esse videtur longi laboris, sollicitudinisq; in studia collocatæ fructus, nescio tamen, Fabrici nobilissime, quo modo æstus singularis mei in te amoris, dum me continuo ad hoc tibi muneris transmittendum sollicitat, hoc etiam effecit, vt paucio-



## DE STVDIO LIBERALI. IIII

paucioribus illud elaborarem, & absoluerem  
paginis, quam initiò fuerat mihi propositum:  
Certe impulerunt me vehementer egregia tua  
Virtus, & Nobilitas, quæ nihil infimum pe-  
tunt, nihil sordidum, aut commune, vt gran-  
dus aliquod ingenij donum honori tuo inscri-  
berem: Tuum est modò, Fortunatissime Iuue-  
nis, sic meis præceptis, sic Patris amore, atq;  
indulgentia, sic Parentum exemplis, ad ea,  
quæ te ipso digna sunt accendi, vt nouum in  
tuam familiam decus inferre possis, præclaram-  
que consuetudinem in ea retinere, laudis non  
expetendæ modo; sed consequendæ.

F I N I S. 27



DE STUDIO THEOLOGICO

111  
112  
113  
114  
115  
116  
117  
118  
119  
120  
121  
122  
123  
124  
125  
126  
127  
128  
129  
130  
131  
132  
133  
134  
135  
136  
137  
138  
139  
140  
141  
142  
143  
144  
145  
146  
147  
148  
149  
150  
151  
152  
153  
154  
155  
156  
157  
158  
159  
160  
161  
162  
163  
164  
165  
166  
167  
168  
169  
170  
171  
172  
173  
174  
175  
176  
177  
178  
179  
180  
181  
182  
183  
184  
185  
186  
187  
188  
189  
190  
191  
192  
193  
194  
195  
196  
197  
198  
199  
200  
201  
202  
203  
204  
205  
206  
207  
208  
209  
210  
211  
212  
213  
214  
215  
216  
217  
218  
219  
220  
221  
222  
223  
224  
225  
226  
227  
228  
229  
230  
231  
232  
233  
234  
235  
236  
237  
238  
239  
240  
241  
242  
243  
244  
245  
246  
247  
248  
249  
250  
251  
252  
253  
254  
255  
256  
257  
258  
259  
260  
261  
262  
263  
264  
265  
266  
267  
268  
269  
270  
271  
272  
273  
274  
275  
276  
277  
278  
279  
280  
281  
282  
283  
284  
285  
286  
287  
288  
289  
290  
291  
292  
293  
294  
295  
296  
297  
298  
299  
300  
301  
302  
303  
304  
305  
306  
307  
308  
309  
310  
311  
312  
313  
314  
315  
316  
317  
318  
319  
320  
321  
322  
323  
324  
325  
326  
327  
328  
329  
330  
331  
332  
333  
334  
335  
336  
337  
338  
339  
340  
341  
342  
343  
344  
345  
346  
347  
348  
349  
350  
351  
352  
353  
354  
355  
356  
357  
358  
359  
360  
361  
362  
363  
364  
365  
366  
367  
368  
369  
370  
371  
372  
373  
374  
375  
376  
377  
378  
379  
380  
381  
382  
383  
384  
385  
386  
387  
388  
389  
390  
391  
392  
393  
394  
395  
396  
397  
398  
399  
400  
401  
402  
403  
404  
405  
406  
407  
408  
409  
410  
411  
412  
413  
414  
415  
416  
417  
418  
419  
420  
421  
422  
423  
424  
425  
426  
427  
428  
429  
430  
431  
432  
433  
434  
435  
436  
437  
438  
439  
440  
441  
442  
443  
444  
445  
446  
447  
448  
449  
450  
451  
452  
453  
454  
455  
456  
457  
458  
459  
460  
461  
462  
463  
464  
465  
466  
467  
468  
469  
470  
471  
472  
473  
474  
475  
476  
477  
478  
479  
480  
481  
482  
483  
484  
485  
486  
487  
488  
489  
490  
491  
492  
493  
494  
495  
496  
497  
498  
499  
500  
501  
502  
503  
504  
505  
506  
507  
508  
509  
510  
511  
512  
513  
514  
515  
516  
517  
518  
519  
520  
521  
522  
523  
524  
525  
526  
527  
528  
529  
530  
531  
532  
533  
534  
535  
536  
537  
538  
539  
540  
541  
542  
543  
544  
545  
546  
547  
548  
549  
550  
551  
552  
553  
554  
555  
556  
557  
558  
559  
560  
561  
562  
563  
564  
565  
566  
567  
568  
569  
570  
571  
572  
573  
574  
575  
576  
577  
578  
579  
580  
581  
582  
583  
584  
585  
586  
587  
588  
589  
590  
591  
592  
593  
594  
595  
596  
597  
598  
599  
600  
601  
602  
603  
604  
605  
606  
607  
608  
609  
610  
611  
612  
613  
614  
615  
616  
617  
618  
619  
620  
621  
622  
623  
624  
625  
626  
627  
628  
629  
630  
631  
632  
633  
634  
635  
636  
637  
638  
639  
640  
641  
642  
643  
644  
645  
646  
647  
648  
649  
650  
651  
652  
653  
654  
655  
656  
657  
658  
659  
660  
661  
662  
663  
664  
665  
666  
667  
668  
669  
670  
671  
672  
673  
674  
675  
676  
677  
678  
679  
680  
681  
682  
683  
684  
685  
686  
687  
688  
689  
690  
691  
692  
693  
694  
695  
696  
697  
698  
699  
700  
701  
702  
703  
704  
705  
706  
707  
708  
709  
710  
711  
712  
713  
714  
715  
716  
717  
718  
719  
720  
721  
722  
723  
724  
725  
726  
727  
728  
729  
730  
731  
732  
733  
734  
735  
736  
737  
738  
739  
740  
741  
742  
743  
744  
745  
746  
747  
748  
749  
750  
751  
752  
753  
754  
755  
756  
757  
758  
759  
760  
761  
762  
763  
764  
765  
766  
767  
768  
769  
770  
771  
772  
773  
774  
775  
776  
777  
778  
779  
780  
781  
782  
783  
784  
785  
786  
787  
788  
789  
790  
791  
792  
793  
794  
795  
796  
797  
798  
799  
800  
801  
802  
803  
804  
805  
806  
807  
808  
809  
810  
811  
812  
813  
814  
815  
816  
817  
818  
819  
820  
821  
822  
823  
824  
825  
826  
827  
828  
829  
830  
831  
832  
833  
834  
835  
836  
837  
838  
839  
840  
841  
842  
843  
844  
845  
846  
847  
848  
849  
850  
851  
852  
853  
854  
855  
856  
857  
858  
859  
860  
861  
862  
863  
864  
865  
866  
867  
868  
869  
870  
871  
872  
873  
874  
875  
876  
877  
878  
879  
880  
881  
882  
883  
884  
885  
886  
887  
888  
889  
890  
891  
892  
893  
894  
895  
896  
897  
898  
899  
900  
901  
902  
903  
904  
905  
906  
907  
908  
909  
910  
911  
912  
913  
914  
915  
916  
917  
918  
919  
920  
921  
922  
923  
924  
925  
926  
927  
928  
929  
930  
931  
932  
933  
934  
935  
936  
937  
938  
939  
940  
941  
942  
943  
944  
945  
946  
947  
948  
949  
950  
951  
952  
953  
954  
955  
956  
957  
958  
959  
960  
961  
962  
963  
964  
965  
966  
967  
968  
969  
970  
971  
972  
973  
974  
975  
976  
977  
978  
979  
980  
981  
982  
983  
984  
985  
986  
987  
988  
989  
990  
991  
992  
993  
994  
995  
996  
997  
998  
999  
1000

F I N I S



